

卷之二

大明英宗睿皇帝實錄卷之二十

正統元年秋七月甲午朔享太廟遣中官司祭門

之神賜魯世子泰堪金宝凡封親王世子例賜以

金卣金宝宣德二年丙命泰堪時宝未賜至是始賜

之陞行在左軍都督同知蔣貴為右軍都督以征

肅寇功也敕甘肅副總兵左都督任禮等曰比聞

遼賊又糾沙州賊來寇肅州爾等徒擁精兵在甘州

何為且甘肅相去五百里不早為備又賊已退方出

兵追勦其何有齊沙州達子歸附已久乃皆同惡此

必為奸人所誘宜密察以聞賊既獲利其貪無厭今
秋及冬或禦或勦宜悉條奏朕當擇其所長以安邊
境并敕叅贊軍務兵部左侍郎柴車整飭兵備右僉
都御史曹翼曰頃者都督同知趙安等出兵往肅州
追勦達賊尔二人乃安坐甘州不与偕往繼自今宜
勤守邊事多方畫籌尤宜撫恤官軍俾尽力殺賊務
除邊患用副委任 貴州妖賊卓馬等攻各番長官
司奪其印官軍擊敗之斬首數百級生擒百級二十
餘人 乙命未行在工部左侍郎李庸脩狼窩口等

處隄先是大雨決旬水溢渾河狼窩口及蘆溝橋小
屯厭西湖東苞口高粱寺閘隄岸皆決命庸治之至
是庸奏請工匠千五百人役夫二萬人 上從所請
且諭之曰此皆要害汝其盡心理之必完必固無徒
勞民 丙申改武城左衛為獻陵衛武成右衛為景
陵衛以守護陵寢 陞河南懷慶府武陟縣知縣何
翕為木府通判仍理縣事以縣民保其在任法守奉
公有惠愛于民故也 少保兼戶部尚書黃福奏龍
江鹽倉檢校批驗所秤子庫子自國初迄今子孫止

後為弊百等宜令應天府別會歲一更替從之 丁

酉

仁孝文皇后忌辰遺官祭長陵 行在戶部奏內府天財庫鈔匠有連逮者例發他所工役以致鈔匠不敷請敕法司令自犯流罪而下者俱酌決發本庫罰工為便從之 己亥陝西等處缺知府八員以員外郎吳崖翟溥福監察御史李輅評事錢敏府同知郭晟知州李湘知縣鄒良方佐八人俱為知府以補其缺從行在吏部會官舉也 宥行在羽林前衛都指揮

食事李英罪英守備薊州後占賣放官軍事覓下法司鞠罪當絞摠兵官或王具英所部保章以聞上特令通磚復職連往備邊 日生背氣色青赤生牛暈色赤黃 庚子清江王府輔國將軍贊儼母夫王人母氏卒遣中官諭祭命所司以二品禮葬之 廣西摠兵官右都督山雲奏容縣守禦千戶龔正等縱賊劫殺官民請正其罪詔宥死戴罪捕賊夜月犯房宿光芒相接 辛丑給甘肅官軍盔甲弓箭刀旗帽胖襖鞋計二十餘萬賜潼關衛新調官軍銀五千兩

直隸蘇州府奏本衛軍士原關屯田十一四頃比因
他後未及耕種而常熟縣民人據之以為已有請給
軍屯種為便事下行在戶部覆奏以為軍既他後不
當復給以田請仍令民佃而租稅如屯田例徵收從
之 浙江黃巖縣民張永進妻馬氏一產三男命有
司給賞如例 癸卯陞戶部主事李澤朱振俱為本
部郎中復服闋戶部員外郎周添富主事王存智朱
庸俱仍旧任 順天真定寺府山東濟南府河南開
封府廣東潮州府各奏淫雨連綿河隄衝決傷害稼

穡遼東廣寧寺衛直隸高郵州山西平定州山東兗
州府各奏蝗蝻生發撲之未絕 上命行在戶部遣

官覆視以聞 脩永寧衛隆慶州寺城垣 甲辰

脩長陵 獻陵 景陵垣牆橋道 命襄王瞻塏

自長沙遷居襄陽先是襄王奏長沙卑濕願移亢爽
地 上命有司于襄陽度地為建王府至是有司以
工儉來告 上書与襄王令擇日啓行遷移仍軟湖
廣三司量遣人船護送毋有稽緩 乙巳賜甘肅征
進官軍銀及衣鞋等物有差 丙午夜有流星大如

杯色亦有光出牛宿西南行至游氣後一小星隨之

丁未望直隸河間府知府姜濤為順天府二月從

行在吏部會官奉也 日生背氣色赤青 戊申中

元節遣官祭長陵獻陵 景陵 靖江王府輔國

將軍贊偕母王夫人趙氏卒遣中官諭祭命所司以

二品禮葬之 行在刑部致仕尚書趙鼎卒卹字雲

翰山西夏縣人從于祥符由太學生洪武庚午授兵

部職方司主事命覈天下兵馬諸路也成補其缺而

增其所宜置具畜以進 太祖皇帝以其能陞武庫

員外郎尋陞浙江右叅政時海寇出沒劫虜以計捕

之境內獲安 太祖皇帝嗣位命使交趾卻其金宝

之餽使還陞刑部右侍郎尋輔工部再轉禮部未幾

陞本部尚書賜晏華蓋殿徹御宴筵饌蓋以遺其母

戊午軟詣北京卜 仁孝皇后山陵壬辰督開創隆

慶保安永寧諸州縣撫安新集之民丁酉改兵部尚

書明年丁酉艱起復專理塞外兵政壬寅北征卹給

餽餉不絕 仁宗皇帝嗣位改刑部尚書宣德庚戌

以疾致仕至是卒遣官諭祭命有司治喪葬卹在疆

祿母抱避寇林莽間卒遇虎置于地虎熟視而去聞
者異之及長英儒多才善屬文喜歌詠歷事五朝
多所裨益雖貴位列卿自奉如寒素云 夜月生暈
色蒼白 已酉考郎兀等衛女直兀兒帖木等忽魯
罕等衛女直指揮忽申捌等四川建昌衛土官指揮
安均貴州新添衛小年伐長官司廣東寧遠縣土官
巡檢陳莫俱遣人來朝貢馬及方物賜宴並賜絲幣
等物有筮 運河要見渡決行在工部奏請令副提
兵都督僉事武興發禮運軍士及近河軍衛有司發

丁夫併力脩築 上以漕卒不可重勞特勅太監沐
敬安遠侯柳溥尚書李友直別為從宜區處 庚戌
順天府推官徐郁言四事一國朝尊崇聖美寵及來
裔或蔭封爵或復征徭甚盛典也惟宋襲封衍聖公
孔端友扈從南渡今其子孫流寓衢州與民一體服
役他如宋儒周敦頤程顥程頤司馬光朱熹子孫亦
皆為編戶乞令所在有司訪求其后蠲其徭役擇其
俊秀而教養之祠墓傾圮官為脩葺庶君子德澤悠
久而不替一建立義倉本以濟民然一縣止一二所

民居星散賑給之際追呼拘集動淹旬月不免飢寒乞令所在有司增設社倉仍取宋儒朱熹之法參酌時宜定為規畫以時歛散庶荒歲有備而無患一戶口食鹽令市民輸鈔鄉民納米非旧制也而貪官豪吏徵歛不經小民愈加困乏乞敕該部悉遵旧制一概收鈔庶人民免于窮迫而鈔法亦流通矣一法司及各衙門送供明及工滿等項人來本府有云給引照回者有云送發程遞者其遞解之人索財物奪衣食甚至婦女被其奸占身體被其蠶楚幸而至家不

勝其苦宜令各司除有罪應鞠者程遞外餘皆給引仍行有司嚴禁解人庶還家者得免凌虐而獲安全

上所
以所言甚切命有司速行之
辛亥

太宗文皇帝忌辰遣官祭長陵上聞唐府新野王瓊燁感風疾殆甚命行在太醫院選精醫術者一人馳驛往遼之行在吏部言在京居賢寺坊草塢大使副使考課之例未定今議照倉官例收草十萬東之上者陞一級不及數者本寺叙用則勤惰者知所勸懲矣從之壬子給遊擊將軍都指揮僉事楊洪

火箭一萬五千以備邊警。庭有流星大如椀色赤
光明燭地起壘壁陣東北行至空宿旁尾跡炸散
癸丑賜晉王美圭妃孔氏蜀王悅妃何氏金冊而
以二王進封妃應改授冊故也。行在光祿寺卿內
郝郁等奏順天府昌平等縣園戶所植桃李等果例
應進用者今時成熟宜從本寺差官二員督同各縣
委官採取。上以差官不免擾民不從。山東泰安
州進嘉禾。甲寅進封秦王志潔庶長子心銘母周
氏為王夫人給賜誥命。遣中官阮至等齎敕往賜

淨覓慈濟大因師綽竹藏卜金印誥命弘慈廣善因
師鎖南巴藏卜銀印誥命及袈裟等物。敕遼府長
史紀善等官曰近得王奏請加祿米及復護衛儀衛
司衙門且以祖訓之制為言昔遼簡王得罪朝廷
太祖皇帝特加厚貸削去護衛及儀衛司止。校尉
尉後三百人。仁宗皇帝命今遼王襲封於原祿米
一千石外加賜千石。宣宗皇帝增設旗軍三百人
以備使令視日俱已倍之。其王于庶母及諸弟寡恩
所為非法尔等為王輔導不聞一言匡正而乃從諛

非分之求本當問罪姑從寬宥款至仍具寔以聞
乙卯罷雲南左布政使殷序湖廣僉事吳克聰裴俊
為民以巡撫等官考劾序貪而不檢克聰俊克而無
為故也革廣東欽州佛陶巡檢司佛陶坊城水驛永
淪遞運所先是以克平安南創置至是以其地荒塞
無使臣往來革之 巡撫貴州監察御史陳嘉謨奏
烏羅府去歲薄收今夏民多缺食發囚犯贖罪米賑
濟不敷復貸富室積穀以糶之俟秋成責償其以數
聞 丙辰江西饒州府奏府治已改作淮王府請以

城中空閒地別為府治從之 丁巳
上將命工以是月庚申脩 獻陵八月壬午脩 景陵
預遣衛王瞻埏詣 陵祭告遣少保工部尚書吳中
祭 后土及 天壽山之神 新野王壇煇堯王唐
定王第三子母妃孫氏宣德三年冊封至是薨年二
十有五訃聞 上輟視朝一日遣官賜祭謚曰悼懷
命有司治喪葬 命行在都察院右僉都御史陳智
侍經筵 己未命山東濟南衛指揮同知鄧瑄署本
都司都指揮僉事廣東廣州後衛指揮同知阮智署

本都司都指揮僉事命支京庫官絹十萬疋運赴
宣府大同折官軍兩月俸糧以搏鄯邊儲從行在戶
部議也 庚申擢訓導陳贊沈慶為行在翰林院待
詔于內府授小內使書 添設府軍右衛倉副使一
員 行在光祿寺奏應辦 奉先殿供儀及上供蜜
煎用蜜八斤千請取之于附近州縣 上以百姓艱
難命隨駕內官監如數給之 鎮守密雲都指揮僉
事陳亨奏沿邊自黃門至开連口地方七百餘里關
隘多而軍力少宜調營州左屯衛備邊輪班官軍指

揮許志等三百四十八來京其地 上令農隙之時
往守俟來年春仍佃更番操備 四川成都府奏各
井給軍鹽課累歲逋負欲尽追輸破家者衆請令宣
德五年以前逋負者每鹽一斤償鈔一貫以後者追
鹽仍令諸衛所差官關領回衛給軍為便事下行在
戶部覆奏從之 辛酉琉球國中山王尚巴志遣長
史梁求保等爪哇國王楊惟西沙遣使臣亞烈高乃
生等俱來朝貢馬及方物賜宴並賜絲幣等物有差
行在太常寺鄉姚友直以有疾乞歸田里 上念

友直先朝旧臣勉而之仍命醫調治 壬戌書復秦
王志潔曰所諭都督任禮棟退護孱衛弱軍士三百
六十人欲令在衛給使令但今寧夏寺地遠賊不時
入境劫掠見調京衛官軍尚慮不敷如王所言固有
利于一府其如朝廷大計何書至其郎如數易精銳
与都司收操如無精銳仍將退回者發与一境安則
王亦安矣王其念之 命故福建都指揮僉事金昂
子瑛襲為指揮使掌寧夏衛事都指揮同知閻俊子
理襲為指揮同知錦衣衛指揮使李順姪鑑襲職永

清左衛指揮使孟瑛子俊府軍衛指揮僉事卞興子
智俱代職 行在禮部奏都指揮指揮寺官曹者赤
帖木兒寺二十二員相繼卒宜陽祭如例從之 度
僧道一百七十四人 成山侯王通子瑛奏臣父得
罪產悉沒官今祖母陳故骨無所歸乞將昌平縣東
及西山下祖墳二所給賜歸葬庶得少盡人子之心
上許之 癸巳恭贊甘肅軍務行在兵部左侍郎柴車
上章言事 上敕之日所言已付所司議可否但爾
在邊當以攘寇安民為急務俟有成功方可及其餘

毋徒自為全計。右僉都御史曹翼奏甘州諸衛所
新闢田畝每畝歲徵租五升固已輕矣而近時言者
欲再輕之欲蒙詔旨令臣等覆視闢地不及五十畝
者悉蠲其租且歲用之數有增無損既蠲軍士之租
必從重民之稅然閩中之民歲輸邊儲疲弊已極朝
廷何忍損彼以益此哉請仍徵之不言祖宗恢拓疆
宇得尺則守尺得寸則守寸蓋欲傳之萬世者也今
言者欲棄肅州鎮番諸夷諸處雖未蒙諭允然此妄
言之人恐言之不已未必感亂。臣等聽知有再以此

言進者乞置之法則說邪之口杜矣。上嘉納之。
通政使司左通政余可才先任郎中署吏部事。馮驗
封司主事徐昱將後軍都督府辦事。吏林文迪撥戶
部湖廣司倉科郎中俞謙員外郎王彥英不糾牽事
覓。上命法司鞠治之。

大明英宗睿皇帝實錄卷之二十一
正統元年八月甲子朔敕寧夏提兵官都督同知史
昭等曰向者人言違官牧馬草場恣通境外恐為達
賊所掠以勦其力輕我邊備已嘗命爾等籌畫哨備
爾等累不加意以致達賊入寇果若人言乃飾詞夫
吾以掩其過論罪難宥姑寬不問頃因延安都指揮
王永言欲往河曲焚草搜賊已先所請并敕爾等相
机而行其會永悉心搜捕期威此賊以贖前罪給
永和王府趙成縣主并儀賓吳亮歲祿六百石內米

四百石折鈔二百石 乙丑行在福建道監察御史
張忠邢端有罪下獄初忠等引犯人福建平海衛百
戶王勝傳保佑贓低價放出八人罪事覓 上命法
司鞠治之 丙寅陞廣西按察司僉事楊復為大理
寺右少卿復以九年考稱行在吏部會官議奉故有
是命 擢進士李賢為吏部主事盧彬梅森俱戶部
主事黃瓚兵部主事吳方謝璘刑部主事王亮趙徽
俱大理寺評事 調工部都水司主事蔡云翰為廣
西平樂府通判坐贓罪也 調大理寺副陳善為直

隸廬州無為州同知常昭為湖廣岳州府澧州同知
以行在大理寺考其法律故也 敕甘肅叅贊軍務
兵部左侍郎柴車整飭兵備右僉都御史曹翼曰敕
勩甘肅官軍殺賊功次即加陞賞比聞爾等即為已
明因挾私憾故緩其事人皆忿怨是違古人賞不踰
時之意敕至爾等即將有功者依例陞賞庶激士氣
使効力勦賊毋得稽違 給密雲等衛馬四十九匹
賜甘肅副總兵都督任禮右僉都御史曹翼金織
練緞表裏 賜潼關衛指揮千百戶軍旗人等銀兩

有差且命至甘肅人給狐帽胖襖袴鞋以征勦遠賊
道遠故也 行在光祿寺少卿李幹奏順天保定真
定府州縣民原領山西布政司官買長生牛羊一十
二萬餘隻春秋二季每年取毛二斤輸京迨今歲死
耗者多其羊与毛逾年買補乞將見在者送本寺收
養死耗者悉免以甦民困繼今年羊缺用止給官價
于出產去處收買其各處歲辦走獸飛禽不惟沿途
疲于給供抑且野性艱于馴養自今惟鹿与天鵝貢
生者其餘悉估價輸鈔便益事下行在禮部覆奏從

之 丁卯釋奠先師孔子命少傅工部尚書兼謹身
殿大學士楊榮行礼 嘔罕河寺衛使臣指揮弗刺
答寺陞辭命賚款并賜金織練幣歸賜其都指揮乃
勝寺 鎮守密雲都指揮僉事陳亨奏密雲諸衛城
垣損壞白河新築隄岸亦決請起旁近軍民夫協力
脩築從之 夜有黑雲二道東西竟天良久散 戊
辰祭 太社 太稷遣衛王瞻埏行礼 行在戶部
主事侯復言陝西邊務四事一甘州各衛士軍芻糧
俱陝西各府給供遠至三千餘里民之送納者歲無

寧日又多高山陟澗挽運之際車摧牛朴以此民益凋弊而軍食不足請自今各府稅糧運至蘭縣然後起發軍夫自蘭縣運至涼州自涼州運各衛別民免凋弊而軍食足矣一去歲召商于莊浪涼州各衛中納鹽糧緣路遠價高商旅不至請減其斗數於蘭縣中納每鹽一引糶麥豆四斗于淮浙運司不拘貨次支給則商旅必集邊儲可塞矣一民運糧赴甘州各衛者多因路遠費繁上納不足出息富室以備之富室要取厚利有一倍至五倍者宜令官司禁革止許

子本相伴庶幾民不重困一各邊俘獲邊賊悉獻關廷緣途護送車馬資糧費用不一請自今惟獲首虜獻俘外餘皆隨發江南免運娶婦給配軍士庶免護送之勞一上悉從之 己巳罷廣東按察司僉事楊蓋湖廣按察司僉事周泰亨為民以巡撫等官考劾其不稱職故也 庚午河南布政使李昌祺言三事一城市鄉村旧時俱有社學近年廢弛即今各按察司添設僉事專督李政乞令府州縣正官量所轄人戶多寡創脩社學延師訓之遇儒學生員名缺即于

社學無過犯高子弟內選補庶得學業易成一近
者禁約僧尼誠為厚倍首務比見河南各府縣衛所
有軍民男婦自稱端公師婆托神惑衆人有病者不
事醫藥惟飲符水以故死常八九傷人壞俗有甚僧
尼乞嚴加禁治再犯及邀請容隱者悉罪之一前代
忠臣烈士載在祀典若宋丞相文天祥投在于傾危
之際脫身于俘執之中倡義勤王艱難萬狀功雖未
究忠有餘竟能取義成仁從容就死為萬世臣子之
式而鄉無時祭謚之稱人皆歎惋以為缺典乞准祭

張巡許遠例頒降祭文俵住令吉安府支納官錢收
買牲醴春秋正官于廬陵祠堂行礼仍乞追賜美謚
表盡忠貞以勸來裔上嘉納之命行在禮部會官
議行辛未賜肅王瞻焰庶子名曰祿埤逮察監
御史邵嵩李杲下獄嵩巡按遼東時僉右都御史李
濟巡撫其地与之有隙嵩將滿惧為所困乃以書求
脫于隨濟巡撫御史李杲濟知之索其書于杲甚急
杲固稱其無且以語侵濟怒遂發其事杲惧忘歸
京嵩復上章掩飾俱逮下獄坐嵩贖徒杲贖杖詔特

免高官降果外任 廣東都指揮僉事失瑛貪贓怒
肆挾私杖殺百戶人等又失机致賊殺死官軍數多
法司以聞 上命鞠寔斬之 壬申行在吏部言宣
德間嘗詔天下布按二司及府州縣官奉賢良方正
各一人迄今尚舉未已宜止之 上以朝廷求賢不
可止但自今來者會六部都察院翰林院堂上官考
試中者錄用其不中者黜之 四川布政司奏先因
提兵官都督蔣貴言令本司于歲運松潘等五衛所
稅糧以十分為率加運二分且本司去諸衛山路險

阻民之運糧者皆背負攀援往返一月人疏四斗而
已常年運糧不下七萬苟增二分民益不堪今歲運
之數足給官軍其命衛所屯田子粒及見中鹽糧因
犯贖罪糧宜立倉別貯令都指揮一員監之不得擅
散俟有緩急方許支給則民不重困而邊境有備矣
事下行在戶部覆奏從之 巡按山西監察御史吳
瑜奏請脩大同天城陽和朔州雲川玉林高山鎮虜
各邊衛倉從之 癸酉巡撫直隸行在工部右侍郎
周忱言嘉定縣吳松江畔原有沙塗柴溧一所約計

百五十頃有奇水草茂盛蟲蠹蟻蟻多生其中近蕩
禾稼歲被傷損請募力闢之成熟之餘徵其租稅下
可以消蟲傷之災上可以供國家之用從之 甲戌
遣順天府官祭宋丞相文天祥 敕左軍右都督蔣
貴曰今命尔率領京兵二千五百并往調潼關甘肅
精銳戰士五千往勦達賊尔宜嚴肅軍令違者以軍
法從事已敕副總兵趙安領洮泯守衛銳兵五千亦
于沿邊哨捕仍令与爾商確或分或合務相應援其
尚併力協心用勦此賊 巡撫直隸右侍郎周忱言

近制各處衛所官倉改隸府州縣其無府州縣者不
改今沿海金山衛倉并青村南匯甯二千戶所倉去
松江府并上海縣甚近宜俱重置城外更名改隸為
便 上悉從之 鎮守陝西都督同知鄭銘奏鞏昌
府迭烈孫巡檢司在黃河東岸回回達回土番雜居
恐胡賊來寇邊境宜即巡檢司脩築營堡增添官軍
以備不虞 上命給為繕理 廣東潮州府海陽縣
奏五月內驟雨決登雲都雲步等處隄漂流房屋溺
死人畜請起潮陽等縣人夫協力脩築從之 乙亥

瓦剌頭順寧王脫歡遣使臣阿都赤等稟顏衛指揮
僉事紐林木蘭河等衛女直頭目伯正等俱來朝
貢駝馬及方物賜晏并賜綵幣等物有差命脩葺
甲字寺庫及東西庫備庫巡撫直隸右侍郎周忱
奏直隸鎮江府丹徒丹陽二縣邊臨大江田之沒入
江者二百三十五頃有奇租稅未除民甚艱苦本府
天有國初蠲稅之家子孫乏絕其田併歸富室而官
司仍蠲其稅以此富者益富貧者益貧臣竊以為併
田者宜徵其稅沒入江者除之則稅額不損而百姓

均矣上命行在戶部如其言從之丙子脩通州

城垣壩道建陝西西寧衛道紀司從本衛奏請也

丁丑陞河府滄州知州劉謹為本府同知仍理州

事謹九年任滿州民言其勤慎公廉御史以聞故有

是命賜襄王府陪祀供事執事牙牌二百八十二

面從襄府長史司奏請也命提調學校風憲官兼

督民間栽種桑棗從河南右叅政王芳蓀請也宥

武侯鄭能罷能令閭者侵占僧寺並田奪其粟穀非

法杖人法司具奏請治之上曰能先世頗有功姑

記之若獲不悛必治如律 行在太醫院醫士陸巳
才寺各以母老疾乞歸終奉從之 平江伯陳佐卒
輟視朝一日賜祭祭 戊寅遣使賫敕往諭瓦剌順
寧王脫歡曰惟王克紹先志屢脩脩職首朕心嘉悅
先後二次遣來朝貢使臣朕皆重加晏賞遣官護送
并賜玉綵幣用嘉誠悃不虞出境俱為達賊孛的魯
里麻寺阻隔已軟邊將發兵擒勦俟道無梗塞即遣
使同王使臣歸報今王又遣使臣朝貢足見誠意比
者阿台及朶兒只伯寺遊居亦集乃地時來掩擾邊

疆撫諭不悛不得已發兵勦捕近聞王亦躬率人馬
往征西北弗率之人若兩軍相值王宜約束部伍遣
人馳報邊將俾兩無相犯彼此併力追捕則此賊可
擒矣王其亮之 給龍門衛所及唐家寺驛馬七百
餘匹 命給西賞寧衛官馬民驃價直先是甘肅用
兵摠兵官于西寧衛官民之家擇取馬驃二百餘匹
給軍征進事聞命給官布償之每馬五十匹每驃三
十匹 山東濟南府奏本府歲造紵絲七百二十匹
閏月增六十匹請如他府設織染局官吏庶有職守

而事功完從之。萬全都司奏萬全左右等衛補造
盔甲刀鎗等軍器一萬三千有餘請給布鐵等物從
之。已卯行在戶部右侍郎王瀹巡撫浙江聞母喪
乞守制。上以宣撫事重命瀹馳驛奔喪畢即回任
視事。巡撫陝西為事官羅汝歌奏陝西之安諸府
倉糧腐壞者七萬四千石有奇典守者當論以法緣
在赦前其未宜令有軍衛者給與屯軍墾田無衛軍
者為鈔入官從之。自癸酉至是日月出入時四方
俱有游氣月赤無光。庚辰命江南租稅折收金帛

先是都察院右副都御史周銓奏行在各衛官員俸
糧在南京者差官支給本為便利但差來者時各官
俸米貿易貨物貴賈賤酬十不及一朝廷虛費廩祿
各官不得寔惠計今該部會計歲祿之數于浙江、
西湖、廣南直隸不通舟楫之處各隨土產折收布絹
白金赴京充俸巡撫江西侍郎趙新言言江西屬縣
有僻居深山不通舟楫者歲費金帛于通津之處易
米上納南京設遇米貴其費不貲今行在官員俸祿
于南京支給徃返勞費不得實用請令江西屬縣量

收布絹或白金類銷成錠運赴京師以准官員俸祿
為便少保兼戶部尚書黃福亦有是請至是行在戶
部復申前議上曰祖宗嘗行之否尚書等胡濙等
對曰太祖皇帝嘗行于陝西每鈔二貫五百文折
米一石黃金一兩折二十石白金一兩折四石絹一
疋折一石二斗布一疋折一石各隨所產民以為便
後又行于浙江民亦便之上遂從所請遠近稱便
然至是倉廩之積少矣命行在戶部官槩量大同
府大有倉糧儲從巡撫右僉都御史李儀請也命

停徵兩淮鹽課先是行在戶部以兩淮逋負鹽課七
十萬引有奇遣官追徵至是巡撫侍郎曹弘言比年
荒旱民多流亡若徵所逋益不堪命事下行在戶部
覆奏上命流亡者悉蠲所負迤北達子索羅等
來歸貢馬賜衣服等物安插如例瓦剌順寧王脫
歡使臣阿都赤以私馬求市從之巡撫直隸右侍
郎周忱言直隸常州府無錫縣官田每畝歲徵麥一
斗麩米五斗白米一石其稅甚重况白米歲供內府
漕挽進納費用尤夥以此民不肯佃已令通縣之用

每糧一石內徵白米三斗五升以足上供之數其官
田白米請改徵麩米每石量增一斗于南京上納庶
幾民不獨困而困用從之 辛巳遣官祭山川城隍
寺神 遣旗守衛官祭旗纛之神 壬午遣行在禮
部尚書胡深祭鐘司之神以新鑄朝鐘成也 甲申
福建衛遣使臣指揮使火赤兒兀者寺衛都指揮僉
事恭刺泰寧寺衛都督僉事拙赤弟灰王納哈出寺
嘉河寺衛女直指揮弗刺谷寺俱來朝貢馬及方物
賜晏并賜絲幣寺物有差 浙江右布政使石執中

寺言近年日本諸國來貢者少其市船提奉司官吏
人寺冗曠乞裁減三之二從之 乙酉昏刻至曉大
小流星一百餘 丙戌命木蘭河衛指揮同知阿刺
孫子撒赤哈卜忽克河衛指揮僉事亦能哥子巴真
哥俱襲職 丁亥有流星大如杯色青白有光出昴宿
西南行至蜀後有二小星隨之 丁亥賜保安悼順
王嫡長子名曰公錡 給還前交趾叅議解縉家產
縉永樂間下獄死家產沒官妻子戍遼東
仁宗即位召還其妻子至是其子以艱苦自陳 上命

所司給還其家產 昏刻土星退犯壘壁陣 戊子
陞山東濟南府德州知州常景光為本府同知仍理
州事景光九年任滿州民言其剛方謹敏吏民信服
乞田復任故有是命 迤北達子撒力帖木兒長脫
脫木兒等來歸首駝馬賜衣服等物安插居住 庚
寅柔巖等衛使臣指揮食事紐林等陞辭命賚軟及
金織紵絲綵絹賜其都指揮完者帖木兒等 湖
廣九溪衛桑植安撫司故土官安撫子向晟土官同
知子覃得和等俱來朝貢駝馬賜晏并綵幣等物有

差 辛卯命在京批驗奉引所大使帶收東大市街
塌房鈔課從順天府戶部奏請也 汰錦衣衛帶
管官先是有小技者及各王公主守莊守墓者回夷
降附老弱者皆於錦衣衛帶俸至是行在戶部奏近
制事從樽節此輩坐食亦宜汰之 上令有技者自
食其技守莊墓者自食其力回夷老弱者就食于南
京 直隸保定等府河南彰德府各奏所屬州縣自
閏六月至七月天雨連綿河永泛漲田禾淹沒直隸
淮安等府各奏自四月至六月不雨田禾焦枯山西

大同府懷仁縣奏六月十四日兩電大作傷民稼穡
上命行在戶部遣官覆視以聞壬辰山東兗州府濟
寧州同知陳亮以故入人死罪法司鞠之論當運轉
還職州民楊亨等四百餘人上章言其父平正直廉
能幹濟賦役均平民得安業上免其運磚令還職
任俸半年

大明英宗睿皇帝實錄卷之二十一

大明英宗睿皇帝實錄卷之二十二

勅修

正統元年九月癸巳朔甲午分遣監察御史軒輅

等十七人清理天下軍政陞辭

上賜勅諭之曰朕惟武備國之重事所以攘外靖內保
衛生民所由聖相承咸重于茲而歷歲既久弊日滋
甚軍或脫籍以為民民或誣指以為軍戶本存而謂
其為絕籍本異而強以為同變易姓名改移鄉貫實
緣作弊非止一端推厥所由皆以軍衛有司及里老

人等貪賂挾私共為欺蔽遂致妄冒者無所控訴埋
沒者無從追究軍缺其伍民受其殃今簡任爾等分
行清理其精白一心嚴加考覈舉而正之庶幾軍伍
肅清武備脩舉然行事之際尤在詳慎毋苛毋慢事
乃有成往釐厥誠庶副簡用 備運糧儲總兵官及
各處巡撫侍郎至京會議軍民利便事宜以聞一運
糧官軍兌運各處民糧來京輸納加耗則例湖廣江
西浙江每石六斗五升南直隸五斗五升江北揚州
淮安鳳陽四斗五升徐州四斗山東河南三斗若民

人自運至淮安瓜洲等處兌與軍運者三斗正糧尖
斛耗糧平斛務令軍士裝載原兌乾圓潔淨糧輸納
麤糲者罪之民不願兌令自運至臨清倉納一兌運
民糧務俟年終及次年正二月以裏兌完毋令遷延
妨誤農事一正統二年運糧四百五十萬石內兌運
二百八十萬一千七百三十五石淮安倉支運五十
五萬二百六十五石徐州倉支運三十四萬八千石
臨清倉支運三十萬石德州倉支運五十萬石通州
叔六分京倉叔四分林南東店倉叔二十萬石一正

統元年浙江江西湖廣河南南北直隸該起運臨清
徐州淮安倉糧量數改撥存番以甦民力一民人載
糧至瓜洲淮安兌運就令揚州淮安府衛委官與倉
官攢典見數交兌一河南鳳陽淮安等府州縣歲歛
薄收之處許將菜豆小麥抵斗兌運一鎮江府新港
壩至常州奔牛壩運河一百五十里原有水車之捲
江潮灌注河內通利舟楫浸溉田禾年久廢弛宜令
巡撫侍郎提督有司支給官錢置車給壩官領之以
時灌注通漕溉田一浙江等處軍民運船俱由常州

夏港蓋瀆河出或河道淺澀爭占揆越宜專委工部
主事一員提督令軍民糧船務循資次爭占揆越者
罪之主事事問之時仍聽巡撫侍郎差遣催糧一松
江華亭上海二縣坐戶充糧長者止令辦納本戶蓋
課不許謀充總催頭目度稅糧蓋課兩不妨誤一東
南漕運船俱于瓜洲過壩原有東西二港置壩一十
五座永樂中營造立廠貯木東港汙塞止存西港七
壩化年大江風浪險惡糧舡無港收泊多至失所請
以堆貯木植歸併附近取回看廠內外官員革去廠

房仍疏東港脩築舊壩以通漕運一南京運糧官軍
行糧就于應天原定南京各衛秋糧內平斛兌支一
運糧軍士有年老軟弱家道貧窘者宜于西洋停止
軍旗及減省跟官軍伴內選補一金龍口水接張秋
大黃寺鳳池口水接徐州呂梁二供俱是引水通運
之處宜令工部委官一員巡視提督遇有汙塞會同
河南三司鳩工疏濬一徐呂二洪中溜窄狹水淺石
峻重船至彼剝空方可往來洪西原有小河運木剝
淺甚為便利宜于農隙之時量起附近軍夫命管洪

官提督疏濬濬合用剝船水車令江西湖廣浙江衛所
給之仍令淮安船廠改造小船備用一運糧總兵官
處詞訟繁夥必得理刑官員見有刑部郎中一員在
彼提督稅糧合就委之相兼問理一浙江沿海三十
七衛所因無府縣令衛所掌管倉廩官軍怙勢脅制
倉攢虛出通關捐勒納戶索取財物其害為甚請特
差風厲御史一員一年一代巡視倉糧禁革奸弊一
山西太原并汾州所轄地方自春至夏早暵為甚二
麥枯槁合將正統元年夏稅未徵者悉為停止以甦

民力一南京三十五衛所浙江等都司中都留守司
南直隸衛所運船俱在淮安清江浦修改放支物料
動計百萬原無衛門止委龍江提舉司掌管工部委
官提督宜如衛河提舉司例設立清江提舉司銓官
鑄印撥吏書辦一蘇松等處官倉原有洪武中頒降
鉄斛升斗年久廢失出納之際軍民受弊合令府縣
量計合用鉄斛升斗備料送赴南京該部會官依式
鑄造頒給備用一直隸睢陽歸德二衛與河南所屬
睢州歸德府等處民人兌運糧米就于本處交兌每

石加耗三斗一運糧官軍口糧二石五斗于本處倉
給之不許以荳麥支與本處倉無糧許于存畱內平
斛兌支一南京各衛合用都指揮一員提督屯種一
運糧總兵官巡撫侍郎正統二年俱于八月赴京議
事上命俱准行之其差撥官員必遴選公廉幹濟
之人以往毋使因而擾民違者必罪不宥直隸河
間府獻縣奏濬沱河溢決大郭奄富口隄乞命河間
府遣官及河間等衛與獻縣協力修築從之復監
察御史魯節丁璿趙本官以擒妖賊張普祥及其黨

與悉伏誅故也。命淮安府知府彭遠復職。初府知事陳道潛私歛當宥罪囚銀帛，囚有御遠者誣遠與道潛俱得贓，又併誣遠為豪民毒其仇，死于獄。及受賄不驗，殿死者尸。御史訊已得實，坐遠縱道潛之罪。至是漕運總兵王瑜并淮安屬邑民連章言遠蒞政勤慎行已無私，乞復遠官。故有是命。行在浙江等道監察御史盧睿等言：朝廷凡決死囚必教刑科三覆奏重人命也。比者三覆奏畢，但令校尉詣法司出死囚會官行刑，別無防姦人員。臣恐犯人親屬有偽

稱校尉詐脫以逃者，乞自今特賜駕帖付錦衣衛監刑官率校尉詣法司取死囚赴市，庶無踈虞。從之。有僧人自宮者，法司論以罰役還俗。上特令編成遼東。乙未命脩東岳泰山神祠，從山東按察司僉事李瑒奏請也。命修曲阜縣兗國復聖公廟，先是儒士顏希仁奏其祖廟頽圯，乞為脩葺。行在工部請令曲阜滋陽等縣協力修理。從之。迤北達子撒兒泚等來歸，賜衣絹等物安插居住。丙申僉瓦剌使臣阿魯赤等十一人為都指揮僉事，等官賜冠帶。

湖廣按察使羅銓等奏安陸衛指揮張斌以吏率懷私憾謀傾害之具啓梁王而自訴于京王令長史張凱移文臣等鞠之臣等以斌事于王府無與乃輒啓王又擅離職入京凱不能諫王又妄移文俱屬違法請治其罪上以斌既啓王王不得不為之理長史無罪執斌下銓等究治 巡按直隸監察御史高峻言徐州城北古河所經上抵歸德下合清泗亘四百餘里魚州縣閔警逋逝所萃遂為盜區宜于韓家道口設巡檢司以訊察奸宄從之 夜有流星大如杯

色青白有光出參宿東南行至狼星旁後二小星隨之 丁酉陞行在工部右侍郎黎澄為本部左侍郎仍于內府供事以九年考滿也 上詔行在兵部尚書王驥曰比命平虜將軍蔣貴率兵巡邊爾兵部可榜諭陝西屬衛及緣邊甘涼等處召募勇敢之士有能奮勇當先料敵制勝知賊情堪為間諜識水草能為嚮導者令赴貴處審試收用有功之日一體陞賞其中果有能立奇功禽首虜者不次陞賞 給福餘衛印先是都指揮安出令使臣火兒赤等來貢且言

宣德中為阿魯台所侵亡失其印 上命禮部給授
之 戊戌巡撫侍郎周忱等六人未京議事還陛辭
賜勅諭之曰爾等巡撫地方總督稅糧務在從長設
法區畫得宜尤在敷宣德意撫卹人民扶植良善不
許託此生事擾人有錢糧詞訟輕則量情責罰重則
發與刑官究問如律若有包攬侵欺及盜賣官糧者
審問是實枷解赴京其內外官員及權豪勢要敢有
沮撓糧事者其實奏聞一應便民事情聽爾從宜處
置爾須秉公正之心勵廉潔之行動謹詳明夙夜無

懈度副朕委任之重或纖毫不謹罰及爾身悔將無
及爾往欽哉 勅南京守備襄城伯李隆叅贊執務
少保兼戶部尚書黃福曰今命巡撫侍郎周忱兼提
督所在各衛所屯田其南京各衛所屯田爾等就與
周忱一同提督比較務使正餘米及數就作官軍月
糧支用不敷之數會計定撥須用區處公平俾耕種
以時毋致下人託此生事爾等其欽承朕命毋忽
定蘭縣等處倉納糧贖罪例先是鎮守陝西右副都
御史陳鑑巡撫山西河南右侍郎于謙俱奏納米麥

豆贖罪 上命廷臣定則例至是行在戶部刑部議
蘭縣倉死罪三十石三流并徒三年二十五石徒二
年半二十二石徒二年二十石徒一年半十七石
徒一年十五石杖罪每一十一石笞罪每一十五斗
黃河迤北莊浪等處上倉者軍稍減輕死罪二十石
三流并徒三年十八石徒二年半十六石徒二年十
四石徒一年半十二石徒一年十石杖罪每一十八
斗笞罪每一十四斗從之 己亥命兩浙都轉運鹽
使司黃岩場鹽課先是六月二十六日颶風霖雨潮

水衝溢公宇倉廩俱被波沒在倉鹽課七百六十餘
引漂流殆盡事聞 上命行在戶部遣官勘實故有
是命 秦寧等衛頭目納哈出等各請使臣臨鎮安
撫 上以朝廷所遣于彼不能無擾但令約束所部
毋犯邊境其不用命者聽擒送來京自有誅賞賜勅
諭之 迤北韃靼脫速罕等十二人來歸俱授以所
鎮撫賜冠帶衣服安插居住 設雲南大理府太和
縣觀音山箐口巡檢司從本縣里老奏請也 庚子
倉故福餘衛都指揮僉事申帖干子阿兀歹麥蘭河

衛指揮僉事砍木里子吉松哈俱罷職 浙江左布政使黃澤奏臣患風疾艱于動履乞回家醫治章下行在吏部言澤才識優長勤于政務又年方五十二歲而所患疾亦微不可遽令解任從之 巡按浙江監察御史王璉考察富陽縣知縣吳堂事體生疎罷黜為民堂不服訴寃已而部民保堂廉幹乞留復任事下行在吏部覆奏 上以黜陟弗審何以勸懲有位令巡撫巡按官公同覆實毋得枉人 辛丑重陽節賜文武百官宴 設陝西西寧衛道紀司從掌衛

事都指揮穆肅等奏請也 鎮守陝西左副都御史陳鎰奏陝西用兵供費鉅萬人民艱苦各部又坐派歲用雜物乞為停免事下該部覆奏從之 以湖廣長沙府湘陰等七縣頻年旱傷人民缺食有司請以宣德十年秋糧折納鈔貫從之 福建都司奏福州等衛逋負屯種糧一千八百五十餘石有奇皆管屯指揮千百戶趙銘等怠緩之故請治以罪事下行在戶部覆奏 上命本處按察司督之不完不宥 夜有流星大如盞赤光燭地出弧矢東南行至濁 癸

卯命行在刑部右侍郎何文淵行在戶部左侍郎王
佐都察院右副都御史朱與言提督兩淮長蘆兩浙
鹽課勅之曰近聞兩淮長蘆兩浙鹽運使司及各場
鹽課司官吏不遵成憲肆志貪黷縱容空戶私煎私
貨及客商支給措勒百端中間有名為巡補而自與
販者有假託權貴而自燒煎者有詐冒客商而沿途
鬻賣者甚至聚徒集船排列兵器恣行兇惡者究其
情罪悉不可容今特命爾等與內臣前去各處徃來
提督務要從長區處俾鹽丁得所商販毋滯國課不

虧奸弊殄絕但有不便於民者其實以聞其沮撓監
法情犯深重者械送京師爾等須秉心公直為國經
慮仍嚴飭下人毋纖毫生事以速罪愆欽哉命山
東濟南府德州德平縣縣丞徐善復任善在德平先
以毋憂服闋縣民言其賦役均平奏乞復任至是又
丁父憂服闋縣民又相率詣闕留之故有是命陞
元者衛指揮使八哈答為都指揮僉事指揮同知別
里該為指揮使四川行都司建昌衛軍民指揮使
司土官指揮使安均奏本衛所屬白水等驛土官驛

承俱乞照雲南土官事例三年六年赴布政司考復
任九年通考赴部 上以建昌地遠艱于往復之
刑部左侍郎吾紳奏廣東按察司僉事楊蓋政事迂
疎宜黜為民 上以蓋雖年老未嘗虧節令冠帶閒
住 交趾人潘鉄成奏臣以交趾頭目永樂中歸化
在錦衣衛帶管食糧今命臣于南京入藉臣久需聖
化一旦遠違天日情實不堪 上命于順天府附藉
甲辰造行在禮部印時尚書胡濙自劾不謹失行在
禮部之印 上不問為更造之改其文曰行禮部印

行在戶部左侍郎王佐九年考滿命復職 命監察
御史楊翰督理浙江沿海軍儲巡撫侍郎等官議
也 大寧都司保定等衛奏八月以來天雨連綿河
水衝溢各衛屯種黍穀滄沒無收子粒辦納為難
上命行在戶部遣官覆實除之 鎮守河州都指揮同
知劉永奏比因率領所部官軍當先追賊至鎮夷黑
山兒等處殺敗賊衆俘獲人畜蒙朝廷陞以金職賞
以白金文綺而叅贊兵務侍郎柴車沒臣功次除減
賞賜 上命與之且降敕責車擅減之罪 夜有流

星大如杯出井宿東北行至柳宿 乙巳命應天府
建社稷壇春秋祈報令守臣行事初應天府以京郡
不置壇至是以上以太社 太稷 祭于北京故
有是命 安南國遣陪臣陶公僕等奉表貢金銀器
四等物朶顏等衛都指揮哈剌孫等童寬山等衛野
人女直苦剌木等兀者前衛女直伯廝合等俱來朝
貢馬及方物賜宴并賜綵幣等物有差 韓府樂平
山冲然有疾 上遣醫士馳驛往視之 命廣洋衛
指揮同知陳暹提督南京各衛屯種先是南京各衛

屯所散在廬州鳳陽等府縣巡撫侍郎周忱會南京
守備襄城伯李隆火保戶部尚書黃福議委暹提督
至是以暹于各衛名位相等難于比較移文行在兵
部選用都指揮一員代暹兵部請就以暹署都指揮
事 上命暹仍舊職提督各衛官有抗拒者諸奏聞
罪之 瓦剌順寧王脫歡所遣使臣阿都赤皮兒馬
果麻等奏領受朝廷官職 上命阿都赤為都指揮
僉事皮兒馬果麻為指揮僉事餘授官有差俱賜冠
帶 寧夏總兵官都督同知史昭奏寧夏城池屯堡

營墩俱在黃河之外備禦西北一帶其河道迤東至
察罕腦兒直抵綏德沙漠曠遠並無守備擬于來春
相地于花馬池築立哨馬營增設烟墩直接哈刺兀
速馬營從之昭又請以都指揮姚琛率原領潼關衛
聽調官軍分撥各營更番哨備上以琛先已別有
調遣命行在兵部更選都指揮一員委任之巡撫
陝西為事官羅汝敬奏近因總兵官調撥官軍二千
人馬一千疋于肅州衛守備月支糧料浩繁原積倉
糧不敷已將本年夏稅麥豆一萬八千四百五十餘

石督運接濟又以秋糧米豆五萬一千五百餘石徵
赴倉但恐徵收遲誤且今莊浪涼州二衛見收糧多
乞敕侍郎徐晞督令陝西都布按三司官備運一萬
石赴肅州衛供給為便從之丙午初永平公主祿
米一千石支米三百石麥七百石至是請米麥中半
魚支從之命陝西洮州衛帶俸指揮同知蘇寧理
衛事舊例外夷官不署事寧嗣職頗知書鎮守洮州
都督李達為之請故有是命廣西慶遠府奏本府
邊臨蠻地猺獠雜處賊寇出沒殺虜人民不能寧息

今總兵官都督山雲調撥廣西貴州湖廣三都司官
軍于本府地方分營哨守本府倉糧無幾恐誤軍餉
乞召商中納蓋糧定為則例上命行在戶部議行
丁未陞指揮使李瑄王榮趙斌俱為陝西行都司
都指揮僉事命都指揮僉事胡麒掌肅州衛事俱以
殺虜寇功也命行在吏部以大理寺左寺副夏銘
等十七員于行都察院問刑先是上以監察御史
多缺員令都察院堂上官及各道官舉之仍令問刑
半年然後考驗奏除于是右都御史陳智等舉銘及

為行在通政使司右通政攷巡視濟寧等處河道九
年考滿運糧總兵都督僉事武興保留復任事下行
在吏部奏擬復職陞正四品俸上以攷勤謹無過
宜陞其職故有是命命故山西都指揮僉事趙名
子能襲為羽林前衛指揮使羽林前衛帶俸都指揮
僉事魏禧子忠襲為本衛指揮同知金吾右衛指揮
同知即敕子溶錦衣衛指揮僉事王剛子璿俱襲職
遼東都指揮僉事金貴子亮代為指揮使府軍右衛
指揮僉事何智子能代職山西潞州同知王範以

兵部尚書王驥薦陞陝西涇州知州潞州民奏留範
還州蒞事上以涇州臨邊事劇民勞非範不能治
令即赴任大同總兵官都督同知方政奏近行在
戶部移文令征調在外官軍該支口糧行糧者於月
糧內作數切惟守邊捍敵惟賴兵力兵力強勁尤在
飽暖畜養有素人思自奮况大同守邊軍士自洪武
永樂以來無家小者月糧六斗有家小者增口糧二
斗共為八斗其公差則又驗日計糧給以行糧今俱
欲准作月糧樽節不多致失人心難為效力事下行

州判官馮傑知縣李俊胡鑑何永芳姚福王子倫張
斌周銓方冊計澄吳昌衍行人李磐推官曹瑞馬恭
陳固副新事周濟俱堪任風憲故有是命免西寧
衛達民稅糧先是鎮守西寧署都指揮僉事金玉奏
洪武永樂中達民止當馬牛站鋪耕種自食其後設
立里甲徵收稅糧以致逃竄今又選充土軍操調今
年嚴霜早降秋田無收乞照舊例止當馬牛站鋪免
其稅糧事下行在戶部覆奏從之夜白虹貫月
戊申敕緣邊諸將比得降虜言阿魯台為瓦剌所敗

部屬潰散多于近塞潛伏伺間入寇在刺席其戰勝
兵勢日盛遣人交通兀良哈女直諸部其意叵測况
今阿台朵兒只伯徃之竊犯西北邊境朕屢教爾等
謹飭邊備能遵朕言必成懋功不然且獲罪矣今秋
高馬肥計虜必未為寇爾等尤宜盡心協力先事運
謀戒將吏謹烽堠整戎馬以待其來毋貽邊患已
酉陞山東按察使虞信為河南右布政使廣西副使
李縉為山東按察使湖廣僉事顧巽為山東左叅議
俱以九年考滿有最績也陞行在工部郎中王牧

在戶部覆奏仍照洪武永樂中例給之庚戌命故
秦寧衛都指揮僉事塔剌孫子納哈出渚冬河衛指
揮同知長家子哈的納葛林衛指揮僉事丁丟子答
兒花兀者衛指揮僉事禿魯坤子奴克俱罷職行
在兵部奏南京中軍都督府言昨併密雲中等五十
二衛官入興武鷹揚留守後三衛每衛指揮有至二
十四五員者每所千戶數亦如之軍火官多而旗手
等衛見缺指揮等官四百十五員乞將剩員填補見
缺從之甘肅副總兵左都督任禮等奏甘肅騎操

馬足歲例十月支料四月住支但每年八九月間正
係聲息急用之時不得支料馬無廳息恐防邊備事
下行在戶部覆奏命前後添支一月 辛亥陞監察
御史楊理為淮安府同知以九年任滿行在吏部循
常例奏陞也 命泰寧衛頭目板卜來塔山衛頭目
弗剄出俱為指揮同知 命浙江紹興府修理南鎮
及神禹二廟從布政使黃澤奏請也 命行在工部
歲造狐帽毛襖各二萬先是南北兩京各造一萬至
是以南京庫無物料乃命行在工部併造之 給開

平等衛緣邊瞭哨燒荒官軍狐帽祥襖袴各二千四
百八十有餘鞋倍之永寧等衛哨備夜不收旗軍狐
帽毛襖各三千四百八十有餘從都指揮楊洪等奏
請也 直隸鳳陽府壽州奏本年四月以來久旱不
雨田禾槁死不能成實秋糧無從營辦乞徇民情以
黃菜豆抵斗輸官事下行在戶部覆奏從之 未刻
黑氣一道兩旁色蒼白濶餘二丈西南東北亘天
壬子給永壽王弟鎮國將軍志埏志埙歲祿一千石
米鈔中半魚支 鎮守薊州等處總兵官都督同知

王或奏緣邊操備守關官軍缺少衣甲請于遵化鉄
廠給鉄先補造五千八百四十二副從之 癸丑秦
府永壽王志埴言其妹選配行在通政使司右通政
李錫之子珍礼部以珍父居喉舌之司于制不當連
姻宗室 上復書諭令更選 行在都察院右都御
史陳智等奏比有吳成者妄爭龔伯父真職兵部不
察其姦遂欲准成龔詔復覈之其偽始白已將郎中
龔永吉等下獄定治尚書王驥右侍郎李郁職掌兵
政而不審如此請并罪之 上俱宥之令各戒謹將

來 甲寅行在礼部尚書胡滌等議評事尹弼所言
刑部都察院于調問罪囚多不詳鞠第逼其引伏如
原詞請革其弊則負枉者得盡其情天下解送囚犯
失期者請都察院如刑部即杖遣之不許罰其守獄
南京編戶日削請如火與冤平實以天下富民而以
江南罪當贖死者補之此皆宜行弼又謂今生偷盜
當徒杖者刺字而絞斬得贖死者不刺是罪輕者終
身有玷罪重者反得脫免且于贖死者槩施黥刑此
非律意恐乖仁厚之典 上以滌等議是從之戒諭

法司因不服辨敢抑徇原訊者必罪無赦 乙卯特
給行在後軍都督僉事武興誥命特興上章乞恩請
給行在兵部言故事武臣必先鈔謄貼黃然後關給
誥命今興新陞職事未經清理貼黃不當與
上以興庶幹効力特命與之 江西浮梁縣民陸子順
進磁器五萬餘件 上命送光祿寺充用賜鈔償其
直 直隸蘇州府知府况鍾奏監察御史王璉以巡
按代回越驛乘舟所至多索隸卒衛道且携杭州驛
夫門子偕行浙江按察僉事商賢亦劾璉言輕行薄

聘小才而賊善良具條其不法事以聞 上以璉為
風憲乃恃勢違法如此命刑部執治之 鎮守陝西
都督同知鄭銘等言比者秦王憾臣輒送其護衛軍
告王欲治兵器者于京師又以叅政年富奏免民之
為王牧羊採降香者疑臣使之欲據臣過陷臣且欲
于臣所求死 上以王為宗屬至親素無過失肯自
求死邪特諭銘等卿俱鎮守大臣當體朝廷親之之
心若所行不戾于法王雖欲陷之亦無由也 日生
背氣色青赤鮮明 丙辰給遼東苑馬寺永寧監養

馬軍人冬衣布花先是本監清河等苑軍人自陳養馬歲久援例請給各衣布花事下行在戶部議以遼東息軍在營有家室者每人歲給綿布二疋綿花一斤八兩無家室者每人綿布一疋綿花一斤養馬軍人合如例以給送人 巡按直隸監察御史尹鏜言沿海備倭官軍行糧于淮安揚州軍儲等倉閩運路遠人難清以如臯鹽城二縣該徵稅糧量于本處倉存留備給送之 丁巳宣府總兵官都督譚廣等奏比奉敕書命臣等公議守禦事宜臣等竊觀獨石迤

西至野狐嶺北勢坦夷無險可據難以屯聚軍馬而又餽餉艱難非經久之計宜將原選精銳官軍于極邊葛峪柴溝等堡駐劄操備休養士馬或一月或兩月出境一次遇賊則相機勦殺賊去則巡哨地方上從其言命行在兵部移文行之 順天府宛平縣民訴在京二縣雜役繁重而供惜薪司役夫一千三百餘人終歲不得休息事下行在工部會議覆奏請量畿內各府人戶多寡均分其役河間永平順德三府供役一年大名廣平二府供一年順天府供一年更

番以代從之。戶科給事中張佑言四事：一後湖晒
晾黃冊匠五十名，內有老幼殘疾，用使不敷，請令吏
部增撥辦事吏三十名，國子監撥監生五十名，相兼
晒晾。一後湖用庫三百餘間，年遠朽壞，比年工部差
官備料督工修葺，又以減省例，停罷民教，至重仍乞
備理，以便存貯。一後湖地方僻遠，舊例戶部輪差吏
過湖宿歇，以備不虞。近所司因循不行，乞令如舊，差
吏看守。一後湖檢出蟲蛀損壞，用每年戶部奏准補
造，今後宜就令移文補造，不必上聞。事下行在戶部。

覆奏言：取撥辦事吏，典無例，補造黃冊仍舊奏請。

上從之。夜參星狼星動搖。戊午，敕諭甘肅左副總

兵都督任禮、叅贊軍務兵部侍郎柴車等曰：比得車
奏審勘功賞等事，足見用心，但所見不能無偏于人
情，事體不能無失，殊非古人功疑惟重之意。且西寧
莊浪等八衛選調官軍往戍甘肅，跋涉道途，衝冒霜
雪，亦良苦矣。既至甘涼，其志非不欲一舉滅賊，然而
統領匪人，功竟不立，實劉廣之罪，彼何與焉？蓋此八
衛比之甘涼，列屯坐守，衛分事體不同，卿等宜體朕

心如例陞賞。秦寧衛都指揮失念帖木兒等弗提
衛指揮閻乞等兀者前衛女直頭目阿黑里等俱未
朝貢馬及方物賜宴并賜綵幣等物有差。行在戶
部奏廣東保昌縣管解折糧布赴京朽弊者多請治
有司之罪。上以廣東廣西福建途路實遠姑宥其
罪且令今後三處布疋運赴南京輸納。大同總兵
官都督方政言臣等比奉教計議邊事切惟大同境
外溝多山火三面受敵設立馬營難為經久惟半嶺
及紅寺兒之地舊有廢營可以脩築就遣原選官軍

都指揮孫智等分領馬隊往來巡備哨探賊情振耀
兵威有警併力追勦無事閉營耕種如此則士馬休
息而能以逸待勞矣。送之。己未寧王權以冠服損
弊請于朝。上以有司所造或未稱王意令具材送
至王所聽王自製。都指揮僉事楊洪在邊屢立奇
功。上每敕緣邊諸將輒舉洪以示激勵之意或不
能無嫉忌之者至是內官韓政阮寫疏洪短以聞
上敕責政等曰命爾守邊職專火器宜秉公心以安邊
境却乃交結羣小陷害忠良果爾愚昧為人所指使

歟抑故為眩惑以壞事歟原情論罪固在不宥且姑
貸爾教至即將平日與爾造謀生事之人械送京師
都知監太監洪保請度家人為僧許之凡度僧二
十四人庚申遣行在兵部右侍郎李郁為止使行
在通政使司左通政李亨為副使持節賫印往封權
安南國事黎麟為安南國王初宣宗皇帝既命黎
利權署國事利歿麟嗣事朝廷益恭至是上以陳
氏支裔既絕不若止麟位號順而撫之下羣臣議悉
以為宜于是命郁等往封之詔其國人曰朕祇膺天

命統御下民履載之間咸圖康靖矧爾安南密比疆
場其權署安南國事黎利子麟繼承以來克勤克慎
事上撫下罔有怠違今特封為安南國王授以印章
俾永綏爾一國之人以副朕一視同仁之意辛酉
罷廣東按察使陳禮為民禮在任託疾怠于激揚且
以考滿將赴京賤估于所部市馬牙香百斤以歸為
巡撫侍郎吾紳所劾奏比至京下獄坐贖杖還職至
是吏部以其怠肆貪求有玷風憲奏黜為民一赤斤
蒙古衛百戶哈刺苦竹所鎮撫陝西丁迤北韃靼鎖

南伯等來歸奏願居京自效陞哈刺苦竹為副千戶
陝西丁為百戶領南伯等為所鎮撫賜冠帶行在
戶部奏巡撫陝西為事官羅汝敬言寧夏等六衛并
洮河岷三衛倉無附近州縣欲如行都司例改隸陝
西布政司管轄從之巡撫陝西為事官羅汝敬奏
虜寇犯邊遠運甘寧二處糧料動經百餘萬石人夫
百餘萬人必得官員部領方可責限完納乞將陝西
布按二司府州縣三年六年考滿官員暫留在任支
俸管事備運糧儲候邊方寧息依例赴部從之任

成陞赤斤蒙古衛都指揮同知且旺失加為都揮使
都指揮僉事若出帖木兒為都指揮同知指揮等官
可見即等五十一人陞官有差時且旺失加遣使來
言與韃靼脫歡帖木兒猛哥卜花戰勝有功故有是
命巡撫大同宣府右僉都御史李傑奏大同東西
二路不可無人巡哨乞遣副總兵羅文巡哨東路陽
和高山天城鎮虜四衛聽其調度叅將陳斌巡哨西
路大同左右雲川玉林朔州五衛聽其調度其大同
迤北關頭猫兒莊等處責之總兵官方政提督都指

揮孫智專一巡哨如此則兵將相得地方有守事下
兵部接文政等計議政奏請如儀言從之

大明英宗睿皇帝實錄卷之二十二

大明英宗睿皇帝實錄卷之二十三

勅備

正統元年冬十月癸亥朔享

太廟 以下元節遣官祭長陵 獻陵 景陵 遣

中官祭日并之神 敦綠邊諸將曰比得邊報阿台

朵兒只伯人馬自亦集乃路而東意者知我甘肅有

備故避實以擊虛爾甘肅以東至宣府將帥宜謹為

備毋為所乘 先是鎮守肅州衛都督王貴年老命

都指揮胡麒協同鎮守二人者不相能互奏所短

上降教切責之俾其各棄私憾協力奉公毋自取罪愆
行在吏部主事李賢言竊惟太學者天下貢士所
萃乃育賢成材之地故天下之士所以賢所以才胥
此焉出其賢才所以盛所以衰胥此焉係則夫生民
之休戚風俗之美惡國家之安危信乎皆關於此洪
惟太祖高皇帝聖神文武平一天下定鼎金陵首
崇是道方是之時宮殿城池未盡完也百府諸司未
盡創也佛寺道觀未盡興也乃建太學于國都宏其
規模極其壯麗凡其所以教士之法戒士之條居士

之所養士之具無不詳審周密完備又慮表率之職
實難其人務選天下學明行脩德尊望重海內所向
慕士夫所依歸足以師表一代名蓋當時者然後命
為祭酒加以寵崇崇以師道以振文風以增士氣其
愛惜諸生如慈母之顧嬰兒貴之若席上之珍息惠
極隆無以加尚于是天下之士入太學者居無不正
習無不端衣無不具食無不足無飢寒之亂心無和
僻之墮行其所事者治禮義明人倫窮脩己治人之
方務致君澤民之術故當時賢才俊傑之士濟々輩

出布列中外大綱一正萬目畢張自古太平之盛未
能或之先也易曰聖人養賢以及萬民其斯之謂歟
永樂初年駕臨北京太學之設因元之舊凡百規制
未暇增新洪熙宣德以來因仍未率至其教戒居養
之道類然廢弛不遑介意師儒之職率皆庸常學行
荒疎無所矜式雖有遺規不遇承虛名為文具踵因
循應故事而已夫豈有一亮警省之心哉于是天下
之士入太學者蔑教戒之嚴無居養之正置禮義為
外物輕廉耻如錙銖雜處于軍民之家混住于營巷
之地與市井之人為伍與無藉之徒相接同其室而
共其食啖其夫而淫其妻易君子之操為鄙夫之行
改士夫之節為穿窬之心所習如此一旦居官不遇
志于富貴而已尚何望其尊主庇民建功立業者乎
夫近硃者赤近墨者黑居處所致無恠其然也嗚呼
天下之士脩之于庠序而壞之于太學賈誼所謂可
為太息者也今陛下春秋鼎盛續承大統凡一舉
措不可不慎舉所當舉則天下之人莫不懽心措所
當措則天下之人聞之解體可不慎歟我國家建都

北京以來有廢弛而不舉者有創新而不措者所廢弛者莫甚于太學所創新者莫多于佛寺舉措如是臣以為舛也然成事不說廢者當舉若重脩太學雖極壯麗亦不過佛寺一所之費况佛寺不下百餘無益于朝廷太學雖止一處有益于國家伏願皇上興廢舉墜乞敕該部計料興工一新太學作養秀才重選師儒厚加眷注果能此道將見數年之後賢才濟々文風大振生民于是乎安而天下于是乎治我太祖養賢及民之效復見于今日太平之盛不

期自至而國家社稷永享無窮之福矣上嘉納之

甲子行在戶部奏山東右叅政劉璉移文萬全都司所屬鵬鸚堡長安嶺雲川堡倉叔受諸處稅糧及贖罪米皆無官攢印信乞行所司如例銓給從之
行在禮部尚書胡濙等奏四夷館舊習夷字及新習者六十四人俱照例會官考試出身次為三等
上命一等者冠帶為譯字官逾年再試得中授職其二等三等及有新習者亦逾年再試遂著為令
丙寅陞廣西柳州衛正千戶孫麒為指揮僉事慶遠衛百

戶王佛留桂林右衛百戶王俊湖廣安陸衛百戶鄧
富俱為副千戶以獲徭寇功也 行在吏部言陝西
苑馬寺寺丞王迪朝覲之時舉報屬官甘泉監錄事
袁英老疾葺懦酌酒誤事當罷為民今英奏迪扶仇
誣害并許其科歛數事 上命移文巡按監察御史
先逮英究問果涉迪并逮治之 直隸順德府內五
等縣奏今年六月以來天雨連綿河水漫漲田禾俱
已泮沒高阜之處僅種穀豆又被雨雹傷損人民缺
食見徵稅糧辦納艱難 上命行在戶部遣官勘實

除之 夜有流星大如碗赤光燭地出天囷東南行
至天苑後二小星隨之 禮部尚書兼華蓋殿大學
士張瑛卒瑛字子玉順德府邢臺縣人洪武丙子由
鄉貢士授陝西寧州訓導調武德衛再調宿遷縣永
樂戊子秩滿九載特擢吏科給事中 宣宗皇帝時
為皇太孫始親學遴選儒臣俾司伴讀瑛與焉
仁宗皇帝踐祚陞春坊中允未幾陞諭德尋改洗馬
宣宗皇帝繼統之初錄英舊勞陞行在禮部右侍郎宣
德改元遷左侍郎兼華蓋殿大學士入典內閣机務

丁未陞尚書仍兼職預修太宗仁宗皇帝實錄為總裁官既而調南京禮部甲寅丁外艱詔起復之賜御製詩十餘軸楮萬緡至是卒年六十有二訃聞遣官葬祭瑛像觀魁梧持已莊重敷歷兩京無所建白文章政事皆非所長云戊辰擢進士湯鼎為吏科給事中齊整戶科給事中王鋒吳昇工科給事中徐璟沈翼俱監察御史俞佃吏部主事程式兵部主事林淮宗張彛李棠刑部主事梁亨工部主事宋懷張傑李庭脩中書舍人陞河南彰德府武

安縣知縣馬忠為本府通判仍署縣事時河南右叅議邢旭奏忠公勤蒞事寬厚恤民以九年考滿赴部縣民乞留復任事下行在吏部覆奏擬忠復職陞正六品俸上以旌寵才良宜陞其職故有是命己巳金吾左衛帶俸都指揮使揚興以老乞致仕命其子清代為本衛指揮使庚午行在戶部奏山東都轉運鹽使司所屬各場在逃盜戶三千三百五十餘戶逋負鹽三萬五百六十餘引俱在赦前請照逃民例停徵從之辛未孛的答里麻達子只兒哈帖兒

等三人赤斤蒙古衛百戶把禿所鎮撫丁原等八人
未歸俱授以職賜衣服銀鈔等物安插居住行在
兵部尚書王驥言北虜阿魯台為瓦剌所破其部落
潰散外堪瓦剌內畏官軍不得已內附 皇上棄其
舊過大霈仁恩賜以官爵給之土田及屋宇器用鞍
馬牛羊等物雖三代聖王綏柔遠夷之道何以加此
臣等竊觀此輩狼子野心強則侵犯邊境弱則垂首
乞憐今其降者皆出敗亡之餘困苦無依假名歸順
心實不然若一舉授之以官非惟官爵濫及而亦供

億為艱請自今以後非率部屬及携家來歸者俱發
遣江南衛所管束以聽征調從之 壬申調興武等
衛額外指揮使等官于親軍衛分指揮同知崔智指
揮僉事牟泰董貴俱調旗手衛指揮同知曳貴調金
吾前衛指揮同知祁良調金吾後衛指揮僉事江清
靈政俱調金吾左衛指揮僉事王敏劉貴俱調金吾
右衛指揮同知蕭遜指揮僉事單榮俱調羽林左衛
指揮使揚清指揮同知徐仲善指揮僉事周正俱調
羽林前衛指揮僉事張能劉琮俱調府軍衛指揮同

知劉保調府軍右衛指揮同知尹貴調府軍後衛
陝西河州衛奏屬番隻奔簇為思朶藏及川藏二簇
殺傷人口劫掠財畜上命鎮守河州指揮僉事劉
震遣人賫救撫治之設福建建寧府浦城縣溪源
巡檢司從巡按御史楊禧奏也癸酉敕諭總兵官
都督蔣貴甘肅左副總兵都督任禮等曰乃者朕命
貴率兵巡邊而禮等乃欲分兵守備今貴已至可與
合議擇其長便而行毋徧執以誤事且此敗亡殘虜
不過二三千人而爾等所領軍士殆十倍焉乃不能

撲滅之何哉其尚同心協力勉圖成功以副委任
甲戌命泰寧衛都督僉事阿者罕子失連帖木兒為
指揮同知頭目台不花為指揮僉事北造通州白河
浮橋以馬快船及預備運執船為之江西吉安府
知府陳本深言府城外綠江隄岍損壞宜脩築以備
水患從之一行在禮部尚書胡濙等奏洪武間天下
僧道給適度牒者令僧錄司道錄司造用頒行天下
寺觀凡遇僧道即與對冊其父兄貫藉告度月日如
有不同即為偽冒迨今年久前令寔廢有亡歿遺留

度牒未經銷繳為他人有者有逃匿軍民及囚犯偽造者有盜賣影射及私自簪剃者姦弊百端真偽莫辨乞自今以後給度牒者仍造冊頒行天下寺觀以防姦詐從之 日 日生背氣色青赤鮮明 乙亥大理寺卿陳勉九年任滿 上命復職 設中軍都督府各衛并錦衣衛草場官吏從監察御史李在脩奏請也 鎮守陝西右副都御史陳鎰言比者征西將軍都督同知史昭奏乞令陝西布政司採辦藥餌以濟軍中疾病然今陝西鎮番等處因胡虜入寇征調軍士取辦馬匹供運芻糧勞苦百端藥物之需宜暫停止以甦民力事下行在禮部覆奏從之 丙子直隸松江府奏所屬二縣六月以來久旱不雨稻禾枯槁秋糧無從營辦乞為優免事下行在戶部請覆實行之 湖廣荊州府奏江陵公安二縣及荊門州大雨江水泛漲衝決圩岍實為民患事下行在工部覆奏請令荊州府暨荊州衛協力修築從之 丁丑陞直隸鳳陽府泗州判官楊誠為本州同知仍掌判官事 誠九年任滿州民乞留行在吏部擬誠復職陞從六

品俸上以誠既得民心宜陞其職故有是命行
在戶部奏江西布政司言廣濟庫舊綠七千三百二
十餘斤年久腐爛不堪織造宜易換米麥穀豆于布
政司收貯以備支給從之○戊寅命監察御史李彛
于奎徃南京賜之教曰比者南京有等權豪之人不
畏公法侵凌軍民強奪田畝占據市肆隱占軍囚種
田看莊小人依附為非良善被其擾害特命爾等前
去逐一躬親從實勘理如有權豪之人自知罪惡革
心改過者許其自新逃軍逃民能自首伏亦發回原

後悉宥不問其怙終不悛者其實以聞○陞雲南按
察使吳潤為江西左布政使山東右叅政王喬為本
司左布政使河南右叅議邢旭為四川左布政使行
在吏部郎中黃定為山東右布政使雲南按察司副
使賴巽為本司按察使陝西叅議郭堅山東叅議王
哲江西叅議連均南昌府知府任肅俱為左叅政廣
東叅議李永年太原府知府戴新俱為右叅政堅仍
陝西哲永年山東均四川肅新雲南行在兵部郎中
田忠為左叅議行在禮部郎中宋興大理寺評事尹

弼廣信府推官楊復桂林府同知梁週俱為右叅議
忠江西興河南弼福建復湖廣週雲南監察御史周
線山東僉事劉潔俱為副使皐湖廣潔雲南監察御
史袁錠江陵縣知縣范理獲嘉縣知縣陳傑俱為知
府錠河南府理德安府傑平涼府這行在吏部會官
舉之也庚辰書復慶王楠曰承喻所需海味近年
四方貢獻朕多却之聊以舊所存者專付來人馳奉
愧不委也禁京城外掘土治窯者初武驥諸衛擅
于西直門外河次掘窯御史劾罪之以為京城外自

永樂來置陶冶俱有定方其西北俱堪輿家當忌至
是上命行在都察院出榜禁約京城西北俱不得
掘土其東南許去城外五里天地山川壇許去垣
外三里違者罪之行在光祿寺請發軍士于行在
工部廠運柴炭三百四十萬斤赴寺供用上從之
且命行在工部自今貯柴炭于東安門外空地以便
給用毋勞軍士辛巳慶府岐山王秩煉堯王慶靖
王第五子母何氏永樂十九年受封至是薨年二十
有一訃聞上輟視朝一日遣官致祭謚曰悼莊命

有司營葬少傳兵部尚書兼華蓋殿大學士楊士奇
等言北京軍官俸米俱在南京多是各衛差人代閔
中有浮蕩者荒淫費用比至北京散還各官十分之
中僅得一二誠為未便上命行在戶部會官詳議
合遣堂上官一員往南京專理軍官俸給同南京戶
部委官并監察御史會筭清切依時價糶賣物貨運
赴北京戶部仍差給事中監察御史依原糶之數給
散或照副都御史周銓等所言將浙江江西湖廣南
直隸兩廣福建起運稅糧每米麥一石折銀二錢五

分煎銷成錠委官齎送赴京依原收價直放支候豐
收糧賤之時民有願于南京納本色者聽從其便官
員仍于南京閱支上曰明年俸糧如前議遣官浙
江等處折收銀解京計可支一年即給散然以皆一
時權宜不為常例癸未陞汝州衛都督僉事因即
來為都督同知所鎮撫克滿丁為副千戶舍人速答
為所鎮撫賜絲幣有差先是阿端地面酋長亦的力
思馬哈麻等來貢方物為西番野人罕東頭目可見
即等所掠因即來奉命率眾追回遣克滿丁護送來

京上嘉之故有是命設浙江衢州府龍游縣胡
鎮巡檢司從縣丞董庸奏請也直隸保定府唐縣
奏本縣連年旱澇相仍蝗蝻生發田禾災傷迺移之
人遺下稅糧又令見在人戶包納實非民便乞為優
貸上命行在戶部勘實除之甲申四川鹽課提
舉司奏前任提舉李茂將已銷鹽引圈改用印鈐蓋
放與不應資次客商自填井分闕鹽及客商混亂鹽
法脅持官攢不銷退引影射私鹽乞差官詳勘究治
事下行事在戶部覆奏上命行在大理寺少卿陳

皇旨往治之丙戌行在兵科給事中鄧崙奏皇城四
門設置官軍輪流守衛凡官員人等出入無牙牌者
附寫水牌以防姦偽且惟机密重務許諸司徑入內
府陳奏其餘皆由通政司及鴻臚寺封進此舊制也
往因守衛不嚴已嘗揭榜曉示比者諸司陳奏不顧
舊制輒入內府徑旨徑逸該科似此何以防範姦偽
乞教該司申嚴禁令仍將前榜懸于各門永為遵守
上命禮部兵部議行都察院右副都御史朱與言奏
奉教往兩浙措理益法其運益使司止有四十八萬

三千九十七引客商應支數多在官數外支給不敷
欲將所獲私煎私販及受贓官吏情犯深重者抄提
其餘請不拘常例量情追盜給與客商度刑罰不濫
蓋法得清盜之 丁亥宥行在刑部尚書魏源等罪
時行在大理寺奏即中李弼等不遵詔書淹禁當釋
誣枉囚犯及其訴寃移鞫即中耿定等又不舉弼等
罪俱當寃治 上以此輩不盡心刑獄命行在都察
院鞫之于是行在六科給事中劾奏源等不廣
皇上之仁故淹當赦之獄玩息典為尋常置寃抑于度

外請并治其罪 上命姑宥之 宜川王志樞奏先
蒙 宣宗皇帝撥賜西安右衛百戶楊輝所管軍百
人其民籍既已改屬秦府儀衛司而輝尚仍舊職乞
改為典仗并換印庶便行事從之 都察院左僉都
御史張駿卒駿四川瀘州人永樂辛丑進士擢行在
浙江道監察御史宣德初扈 駕卒武定州正統初
陞行在大理寺左少卿尋陞行在都察院左僉都御
史至是卒遣官諭祭駿博學能文初在學常以魁選
自期比鄉試果然其居官多有可稱云 戊子九刺

順寧王脫歡遣使臣速擅等朝鮮國王李禔遣陪臣
金效貞等奉表貢馬及方物賀萬壽聖節俱賜宴
并綵段等物有差太常寺卿徐初奏南京天地山
川壇齋宮神樂觀忠烈武順昭靈嘉祐王等十五廟
太常寺香帛庫神厨祭器祭服樂舞生袍服年久損
壞乞加修補上命南京守備襄城伯李隆少保黃
福同太常寺擇其急用者修之可緩者且止
肅左副總兵左都督任禮前後擒獲阿台朶兒只伯
却下犯邊賊徒一百九十六人至是械卜倫等八人

赴京獻俘己丑日上生五色雲庚寅書復韓王

冲域曰承喻邊計甚悉足見叔祖眷之宗社國
家為心深思遠慮雖古賢王不是過也予自嗣位以
來夙夜以此在念方欲措置以圖安靖今幸叔祖興
言及此蓋深有相契者感荷無已人回轉此奉報兼
有微物周表謝忱命故金吾左衛指揮使高貴子
忠羽林前衛指揮同知尚亨子通府軍後衛指揮僉
事周貴子鑑俱襲職山東都司都指揮僉事韓雍年
老乞致仕以子震代為指揮使羽林前衛指揮同知

明安荅見老疾以其子真代之行在戶部奏兩浙
兩淮鹽法已差官巡視長蘆運司地方亦有兵敗并
影射夾帶者乞命御史一員徃長蘆直沽等處巡督
禁治上以鹽法至重即敕侍郎王佐帶監察御史
蕭啓浚宜措理務革姦弊俾鹽法通行錦衣衛指
揮使王節卒節山東鄒平縣人洪武中起身行伍累
從征伐陞旗手衛千戶永樂間從征迤北歷陞錦衣
衛指揮使辛卯命太監阮安都督同知沈清少保
工部尚書吳中率軍夫數萬人修建京師九門城樓
初京城因元舊永樂中雖畧加改葺然月城樓鋪之
制多未備至是始命修之致仕南京兵部左侍郎
甄儀卒儀陝西麟遊縣人由鄉薦洪武二十七年授
戶部主事歷任湖廣長沙府同知順天府尹行在兵
部左侍郎調南京兵部正統元年以老疾致仕卒于
家訃聞遣官調祭

瑞謹久著能聲事下行在吏部覆奏故有是命
夜月犯井宿中星癸甲午醮封衍聖公孔彥縉未朝奉
表貢為賀負萬壽聖節賜宴并賜綵幣等物
鎮守陝西右副都御史陳鎰奏西安府閏六月驟雨山水
上泛漲慶陽府六月電臨洮縣七月霜俱傷稼穡
上命行在戶部遣官覆視以聞
乙未泛大同煖會堡于淨水瓶溪總兵官都督方政等言也
丙申冬至節遣衛王瞻埏祭

長陵並獻陵景陵上詣奉先殿

太皇太后宮
皇太后宮行礼畢出御正朝文武羣臣及四夷朝使行慶賀礼賜宴鈔
太皇太后宮太后俱免命婦朝賀
封靖江王府二輔國將軍第三子佐茂六輔國將軍第六子佐通俱為奉國將軍
命陝西按察司副使金濂督運邊儲時督運官羅汝敬為虜所傷故有是命
湖廣貴州總兵官都督同知蕭授等奏比者蠻賊阿遲阿哈等作耗偽擬名稱傳馮妖書焚毀衙門大肆劫掠屢委都指揮等官顧勇等領兵勦捕多所殺獲即今賊首阿哈等一十七

人并其徒屬俱械于獄。上勅授及巡按監察御史等官再行審實將賊首處決。梟示警衆。其餘宥死。謫戍廣西。家屬給有功官軍。丁酉。敕大同等處總兵官都督方政等曰。比時鎮守陝西都督同知鄭銘奏達賊入寇莊浪。被調去京軍追勦。生致賊徒。乃來。忽言阿台朵兒只伯率衆先寇莊浪。尋往紅城子駐劄。又有達賊三百餘騎攻圍蘭州大通口。遞運所殺掠人畜已勅甘肅副總兵都督任禮等率兵勦除。朕慮此賊肆行之後。必欲分道來侵。卿等其整飭軍馬。嚴

督各城堡墩隘。晝夜瞭備。毋致疎虞。敕提督洮岷等處都指揮僉事朱通同甘肅右副總兵都督同知趙安率兵巡邊。仍勅安與之同心協力。以圖成功。毋得徧徇謬事。行在金吾左衛都指揮康能等言。蒙遣率官軍五十五員名往使瓦剌。乞賜騎仗什器糧料。以往事下行在吏部覆奏。請于山西行都司布政司給之。上以山西軍民艱難。令在京給與。己亥。陞行在欽天監監正黃愷正四品俸。以九年任滿故也。施西達子只兒哈帖木兒等來歸。賜衣服器四

等物安插居住。辛丑陝西岷州衛大崇教寺大國
師緯竹歲卜等寧夏衛僧會司刺麻思休等西番把
以等簇翟曇等寺國師賈索等俱遣人貢馬賜絲幣
等物有差。壬寅。長陵。獻陵。景陵。皇太后宮行禮畢出
上詣奉先殿。太皇太后宮。皇太后宮行禮畢出
御正朝文武群臣及四夷朝使行慶賀禮。詔免順
天府并直隸各府被災州縣草束其戶口。監糧准令
納鈔。詔免陝西延安府鄜州洛川縣民之新復業

者租稅一萬五千石有奇。癸卯賜朝鮮國王李禔
大統曆命其使臣南宮啓齋回。命鎮守甘肅總兵
官揀汰士卒時行在戶部奏甘肅用兵挽運艱苦請
令總兵擇其精銳者存留戢守老推疲病者悉令就
食內地從之。甲辰賜各王府天下各衙門來賀
聖節官吏人等絲段表裏及路費鈔有差。初洪武間
克平雲南惟百夷酋長思倫發木服後為頭目刀干
蓋所逐赴京陳訴命為宣尉回居麓川分其地設蓋
養木邦蓋定三府隸雲南設潞江干崖大侯灣甸四

長官司隸金齒永樂元年陞孟養木邦為宣尉司孟
養宣尉刀木旦與其鄰境仇殺而死緬甸乘機并其
地未幾緬甸宣尉新斯加又為木邦宣尉所殺是時
思倫發已死其長子思行發襲父職亦死次子思任
發襲兄職為麓川宣尉狡獪踰于父兄差發金銀不
以時納朝廷稍優容之適會緬甸之危思任發侵有
其地遂欲盡復其父所失故地稱兵擾邊至是雲南
總兵官黔國公沐晟奏思任發侵占孟定府及灣甸
等州殺掠人民焚毀甸寨事下行在兵部請令晟等

計議撫捕何者為便從之夜月犯畢宿三彗生暈

色蒼白圓圓良久散己巳給靖江王府奉國將軍

佐茂佐通歲祿各六百石于廣西布政使司米鈔魚

支直隸新安衛奏永樂十五年以本衛公署居谷

度人臣等暫于徽州府廊房治事今度人死家屬取

赴京臣等宜復舊治其妻妾子女殯埋屋旁者請遷

葬城外從之河南臨漳縣奏漳滏二河因沙土填

汙以致水溢壞杜村西南隄請及時疏濬使水順流

然後修築壞隄從之丙午勅大同宣府等處總兵

等官都督方政等曰近得延安綏德守備官奏達賊二千餘人入寇神木縣我師奮勇追勦出境朕以此賊迫于飢寒慮必復來侵擾卿等其皆飭兵嚴備相執行事朕不中制先是都察院左副都御史吳紉等舉堪任御史者都察院檢校葛崇大理寺評事俞本行人司司副王復行人范霖李柰推官梁輯知縣吳復周軌州判官向侃至是到京命送行在都察院問刑直隸興化縣知縣李光學鳳陽縣主簿董翰俱以九年任滿縣民乞留命各陞俸二級復其任

鎮守大同太監郭教總兵官都督同知方政奏新調鎮虜等衛官軍時常出境巡哨缺衣鞋弓箭盔甲等件計四萬有餘上命行在工部照數給之丁未封晉府寧化王濟煥第三子美塔第四子美坊第五子美埔俱為鎮國將軍錫之誥命總督漕運都督僉事王瑜等奏驗視得清河等縣老人康守中等所言淮河清澈已踰一月是實事下行在禮部尚書胡澆等以為禎祥率百官稱賀上不允泰寧衛都督僉事拙赤海西嘔罕河衛野人女真路失等兀者

衛野人都指揮剌塔古脫倫衛野人忽里并加古賁
葛林阿剌山奇吉河婆羅河亦罕河亦衛女直兀的
納等并雲南洱海衛女土官高氏湖廣搖把峒長官
司土官向墨等俱來朝貢馬及方物賜宴并賜綵幣
等物有差勅都督蔣貴等曰得奏達賊寇莊浪內
官吉祥及都指揮江原等率兵勦殺忠勇可嘉續聞
官軍戰死者一百四十餘人心甚痛之然為國死忠
名垂青史亦復何憾但此賊謫詐萬狀甫侵我西又
掠我東誠不可測爾等宜多方圖之期于一舉撲滅

且兵家勝負無常慎勿以莊浪一挫自餒也命工
部署右侍郎事知府張順實授本部右侍郎命直
隸真定府定州知州張麓掌山西高平縣事麓先任
高平縣縣丞能崇儒重士恤孤憐貧以工部尚書吳
中舉陞定州知州縣民二千五百餘人詣闕告留事
下行在吏部言高平已有知縣難從其請上以民
之所歆不可拂也故有是命命陝西平涼府鎮原
縣縣丞李顯復任顯在鎮原持身廉謹以親喪去任
至是縣民乞留故有是命命湖廣施州衛容美宣

撫司故上官僉事向友亮子子賢署父職友亮永樂
間以罪死獄中至是子賢援例告乞承襲兵部以聞
故命之命監察御史章聰督邊備于延安餒德以
備邊都指揮王永奏請也 行在兵部右侍郎徐晞
劾奏總兵官都督蔣貴身居將帥心用朝廷比者達
賊出沒莊浪貴乃逗留不進以致官軍輕敵失利都
指揮魏榮分守莊浪徃西寧選馬延餒不還坐此失
誤俱宜寃治 上以貴受命甘州選兵莊浪有警彼
何能及榮論罪難容但以初犯姑宥之然莊浪密邇

涼州正晞及都督李安所隸今乃歸咎他人以飭已
罪令其實以聞 太僕寺少卿鄭復言徃直隸河州
烙馬受牧戶賂事覺命法司逮治之 戊申詔免山
東濟南府被災州縣租稅一萬九千石有奇 行在
六科給事中劾奏右都御史陳智等罪初行在廣東
道監察御史李聰所問獄囚發大理寺審錄駁回智
怒責掌道御史張勗勗不服智笞之四十勗奏智不
能整肅憲綱惟肆貪暴于是給事中劾智等有失憲
體請治其罪 上俱宥之令改前失 己酉併省浙

江嘉興府各縣稅課局先是各縣設局一十有二至
是以其事簡止存嘉善崇德海鹽三局餘皆併之
命在京官軍俸糧于通州支給時行在戶部奏糧儲
輸京城者十之四輸通州者十之六以便漕輓然京
城倉有餘而糧不給通州糧有餘而倉不足請令在
京軍于通州轉運赴京上以轉運重勞軍士令就
于通州支給庚戌書復靖江王佐敬曰承喻護衛
官軍日見消乏其征哨逃亡者乞免補伍敬從所請
又云千戶崔貴前奏李經交結王府等事恐被誣累

然朝廷自有公論宗室至親必不為小人所間王其
安之主鎮守山西都督李謙奏達賊三百餘騎竊入
灰溝營南行隨遣指揮李庸率兵敗之斬首三級獲
馬二十匹都指揮馬貴率兵繼至復戰賊衆遂潰獲
其馬匹械器上賜敕獎勵謙等命都指揮僉事
劉源署都指揮僉事施雲往寧夏聽總兵官史昭調
遣備邊平賊之後仍令還京陞福建泉州府知府
蔡錫為山東按察司副使往宣府總兵官都督譚廣
處叅理軍机文書命逃民占藉于所寓先是行在

戶部奏各處民流移就食者因循年久不思故土以致本藉田地荒蕪租稅逋負將蠲之則歲入不足將徵之則無從追究宜令各府州縣備藉逃去之家并逃來之人移文互報審驗無異令歸故鄉其有不願歸者令占藉于所寓州縣授以田畝俾供租稅則國無游食之民野無荒蕪之地矣上命下廷臣議至是僉以為便從之辛亥命湖廣黃州府蘄州知州李信圭掌直隸淮安府清河縣事信圭先任清河縣知縣為政寬虛以行在禮部左侍郎章啟舉陞蘄州

知州縣民乞留之故有是命調山東按察司副使王暹于陝西督收芻糧以給邊需日生背氣色青赤鮮明壬子巡撫陝西為事官羅汝敬奏臣督丁壯轉運邊餉至莊浪衛紅城子忽遇虜寇輜重多為所掠欲再取之于民則為重困請悉蠲免從之癸丑行在兵部奏三千五軍神机等營并山海等處官軍缺馬二萬七千八百餘匹請令行太僕寺如數給與從之達官都督蘇火耳灰奏臣自洪武中率衆二千餘人歸附朝廷出力效勞今年八十有三朝不

保暮別無嗣子止有一孫蘇五十見被兵部叅奏不
應冒襲法當戍邊臣無所依倚上憐其情特宥五
十之罪甲寅罷湖廣按察司副使許銘為民以行
在禮部右侍郎吳政等考察其宗懦無為故也夜
月犯角宿乙卯教行在吏部曰今兩京御史及天
下知縣缺人宜令在京三品以上官各舉廉潔公正
明達事體堪任御史者一員在京四品官及國子監
翰林院堂上官各部郎中員外郎六科掌科給事中
各道掌道御史各舉廉慎明敏寬厚愛民堪任知縣

者一員爾吏部又如詳察而擢用之必甄別之明去
取之公毋撓于勢毋惑于私毋怵于利使二者之任
皆得實才庶副朕求賢圖治之意欽哉復巡撫陝
西為事官羅汝教行在工部右侍郎仍理前事教之
曰爾尚滌心改慮勉盡分慮以圖未效庶副朕委任
之意命河南衛輝府新鄉縣知縣諸賢復任賢臨
民有息以丁憂去任民數百人告留故有是命詔
免湖廣長沙等府宣德十年被災地畝租稅五萬二
千七百石有奇罷福建右叅議樊翰官翰挾勢求

索所部財物巡撫侍郎吾紳劾奏下獄坐贖徒為民
丙辰葛林依木河察罕禿山三衛女直指揮吉失
塔木等葛稱哥衛女直指揮者乞納等朵顏安河納
憐河兀列河木蘭河五衛女直指揮卜合哥等俱未
朝貢馬及方物賜宴并賜綵幣等物有差陞哈密
忠順王卜荅失里等差來使臣所鎮撫早丁百戶宰
奴丁俱為副千戶仍賜教諭遣還教總兵官都督
蔣貴等曰近得甘肅副總兵都督趙安奏達賊東北
行距涼州五百餘里追之弗及又得陝西鎮守等官

奏餽運煩勞民力弗堪卿等其公集議之如達賊出
境已遠可將所領官軍暫令就餉于東徃來巡哨或
仍駐原處將羸弱者發還腹裏衛所就餉度幾兵精
費省以朕遠度如此未識于事宜何如卿等宜酌其
可否或更有良策可以強兵足食禦賊安邊者詳悉
以聞給延安綏德官軍手把銃六百信礮六百四
十及銃箭火藥 曉刻月犯木星 丁巳命四川叙
州府通判楊文進復任文進以母喪去任郡民奏乞
復任故有是命 修張家灣通濟倉先是管糧通政

使李暹奏欲移置張家灣通濟倉于通州行在工部
戶部議如所請令漕運總兵官都都僉事王瑜量遣
運糧軍三千人興役至是瑜奏臣所領運糧船二萬
有奇今兩處交納河道稍得踈通若併于一處不免
阻塞况通濟倉雖有損敝易為修葺若欲移之則其
所費數倍三千人必不能辦請仍舊修葺為便從之
戊午行在前軍署都督僉事楊福卒己未命直
隸興州前屯等衛指揮使徐恭李瑞指揮僉事倪正
王虹劉勉俱任行在錦衣衛乘傳赴京先是

上以錦衣衛缺官命行在兵部選舉至是以恭等聞故
命之調肅王護衛兵一千聽指揮戴旺提督備邊
俟黃河水解仍令還衛從鎮守陝西都督同知鄭銘
等奏請也行在禮部尚書胡澂等奏宣德九年遣
錦衣衛指揮僉事康能同神策衛達官千戶阿老丁
出使瓦剌賜賚以往中途遇賊回京今仍遣使賜賚
宜如舊但阿老丁老疾難往驍騎右衛千戶陳友諱
曉夷情臣等議當改遣陳友追奪阿老丁所賜白金
衣服上命陳友出使賜如例阿老丁所受之物勿

追直隸揚州蘇州常州府各奏十月初一日颶風大作海潮漲湧所屬州縣居民漂蕩者各數百家湖水泛漲滄沒民田上命行在戶部遣官覆視以聞內黃縣掌縣事知州宋安言各處軍民因歲歉以子女質錢近奉詔書許令贖歸然富室利其力役不遵者多宜再申明不遵者論以法從之庚子迤北達子把哈兒等迤西達子亂牙忽魯等男婦二十五人來歸賜衣帽等物安插居住命故陝西都指

揮僉事周壽子璧河南都指揮僉事李興子英俱襲為指揮使山西都指揮僉事許彬子昇襲為指揮僉事金吾右衛指揮同知黃成子文襲職羽林前衛指揮僉事吉勝子忠代職革廣西柳城縣磨石驛陽朔縣葡萄墟驛荔浦縣山月驛脩仁縣在城驛象州龍門驛改徙臨桂縣山棗驛為全州山棗驛徙全州城南驛于州城之南從廣西布按二司官奏也辛酉瓦剌哈密脫火麻三地面順寧王脫懽等各遣使并福餘朵顏二衛指揮把克不花等朵兒必河衛指

揮乞刺忽等俱未朝貢馬及方物賜宴并賜綵幣等物有差秦王志縻奏洪武間先隱王以屋室一所令母妃之外戚居之今母妃侄劉瑋等蒙遣還原藉請以其居室仍賜臣以居臣之子女長成者從之陞巡撫遼東行在都察院左僉都御史李濬為左副都御史仍理前事以九年考滿也命故脫倫衛指揮僉事兀哈住子忽里并加阿剌山衛指揮僉事乃馬荅子劉路古賁河衛指揮僉事哈剌章子兀的納俱罷職復遵化縣舊鐵冶治自永樂間開設

上即位詔書停罷至是行至工部奏復之仍添設主事一員提督廣東左布政使王俊浚卒俊浚徽州府黟縣人由進士授福建道監察御史歷陞河南按察副使廣東布政司左布政使至是以疾卒于官

大明英宗睿皇帝實錄卷之二十五

勅脩

正統元年十二月壬戌朔詔免直隸淮安府戶口益

欽以比歲災傷故也先是都督蔣貴部領在京官

軍二千五百人赴甘肅人給以馬及鞍鞍不及造以

操軍所乘借之至是行在工部請市材民間造鞍以

償上令內府給價與操軍使自辦毋擾于民癸

亥楚王孟烷奏左長史鄒昌等老疾欲令致仕及補

右長史缺員并除老疾引禮舍人高名禮子朗為引

禮舍人已故典樂張誠子宗敏為廣阜倉大使
上皆從之命秦府等府典樂吳從達等五員于神樂
觀教樂舞生演樂鎮守陝西都督同知鄭銘等劾
奏提督延安綏德都指揮僉事王永等知賊入境不
親督勦除致指揮趙景等為賊所斃請治其玩寇失
執之罪上曰姑宥之令奮勇勦賊再誤必罪不貸
順天府香河縣署縣事通判曹銘言京畿之間委
外郡人民及官軍陞調他所遺下人口俱無繫藉宜
大令順天府五城兵馬司并諸衛互相覺察俾歸故鄉

或占籍京府則姦民無所容矣又言被災之民徭役
不息多致流徙宜復其徭役事下該部覆奏從之
直隸壽州衛奏七月間淮水泛漲壞西北城垣請脩
治從之日生五色雲鮮明良久散之甲子山東
提調學校僉事薛瑄奏各處儒學廩膳增廣生員有
久病不痊及已成廢疾者虛費廩未徒苾差徭宜令
有司視驗不堪醫治者黜退為民事下行在禮部覆
奏言提學教內無處置殘疾生員條例今宜因瑄所
奏通行遵守從之行在中軍右都督高文卒賜葬

祭聘儀追封縣谷伯謚壯靖
夜火星犯天江星
巳丑罷河南右叅議原固為民固先奉教往甘肅總
兵官處叅理軍机文書至是稱疾奏乞還鄉醫治
上聞虜寇屢犯邊陲總兵畏懦不發兵勦捕而固為之
掩闕不以聞又託疾欲還故黜之
大同總兵官都
督同知方政奏軍餘新闢之地已蒙恩例蠲其租稅
而司錢穀者催徵不已又言今歲官軍該納屯糧亦
以霜早薄收請量蠲除
上命軍餘闢地悉免其稅
該納屯糧亦蠲其半
丙寅陞行在光祿寺少卿李

畛為行在通政使司右通政往南京專理行在諸衛
官俸
調通州衛都指揮僉事楊信武成後衛都指
揮僉事曹勝于陝西都司信理司事勝往延安等處
代都指揮王禎備禦
以加見即簇妙慈通慧大國
師打巴兒監歲年老命其侄完卜散丹星吉代為國
師署掌大國師印管束所部番民
丁卯命安遠侯
柳溥掌行在中軍都督府事時掌府事豐城侯李賢
公出故有是命
詔免隆慶等衛償官戰馬二百六
十餘匹
夜有流星大如杯赤光燭地出折威北行

至天市西垣外炸散有聲後三小星隨之廿戊辰朝
鮮國王李洵遣陪臣李恭等賫表文來朝福餘等衛
指揮把禿不花朵顏衛指揮完光等塔山等衛女直
指揮賽罕等兀的河等衛野人指揮得里徹等各來
朝貢馬駝及方物賀明年正旦賜宴并賜綵幣等物
有差亂命給行在錦衣衛指揮僉事王琦誥命封其
祖父母父母不為例以琦陳其父普隨侍先朝有
功故也 巡撫江西行在吏部右侍郎趙新言巡按
御史徐傑叅議連均副使焦宏考察知縣趙誠柔懦

不立主簿王桓蒞政勤能而誠本勤敏桓實老病事
下行在吏部覆奏移文僉都御史王翱等覆審果如
新言 上命誠復任桓罷為民傑等姑宥之又諭吏
部曰自今巡按御史暨方面官所黜陟者爾吏部其
詳察之務得是非之實 鎮守陝西都督同知鄭銘
奏陝西沿邊各衛見缺軍器以千萬計今欲造完官
庫物料不足而北虜犯邊西番叛服不常非兵器無
以防禦乞借用于河南山西俟事寧還之事下行在
工部覆奏 上命軍器局給之 前軍署都督僉事

都指揮僉事楊福卒賜葬祭如都指揮例
節賜文武百官宴
張泰為都指揮同知寧夏衛指揮使熊震為都指揮
僉事其餘官軍一百九人俱陞一級賞有差以斬獲
胡寇功也
庚午命都指揮僉事楊洪副署都督僉
事李謙守備赤城陞萬全都司都指揮僉事朱謙為
都指揮同知宣府前衛指揮使文弘廣為都指揮
事仍率騎兵巡邊
武初以供給遠府全伍屯田今主徙國荊州乞以三

分守城八分屯田為便
兵都督同知趙安等曰守備莊浪都指揮僉事魏榮
奏欲將甘肅調來官軍摘三千人及本衛調去土達
官軍于莊浪哨守朕以防邊之道顧主將運籌何如
爾徒擁兵衆亦矣以為近聞卿等駐兵涼州去莊浪
甚邇其與崇讓之或益兵或仍舊惟卿為聽期于事
集人安而已卿言欲將洮岷等六衛選剽步兵存番
涼州操守已勅都督任禮等如卿所言卿其知之
慶王楠奏本府除授官職欲得年高有學安分之一人

上從所請令吏部選擇除授仍遣書報之甲戌慶成
王美靖奏臣妃傅氏坟在汾州民地中其地一十九
頃有奇請蠲其租從之命各邊總兵官不得遣人
于腹裏催徵糧草以擾居民從行在兵部右侍郎于
謙請也鎮守陝西都督同知鄭銘等奏陝西地界
與東勝及察罕腦兒一帶沙漠相接胡寇侵擾殆無
寧歲洮岷等衛亦臨絕塞所控番簇叛服不常各衛
官軍恒被調遣止餘羸弱居守此者莊浪有警雖有
守備官軍臨敵不能捍禦况瓦剌脫歡人馬比之諸

胡特盛其使臣有在甘寧等處久住習知中國虛實
脫使亡歸本土必然泄我事情導之入寇訪得各衛
軍丁及民間多有驍勇精銳通武藝之人乞命廷臣
前來慎選及募自願立功者量加賞賚給廩蠲役嚴
督訓練有警易為調用又言鞏昌府迭烈孫巡檢司
地方密邇沙漠止賴黃河為之限隔每遇河水凍合
輒調官軍往戍歲復一歲抵為煩勞乞將巡檢司改
設一衛拓其城垣脩其墩隘分兵屯守庶幾兵政有
備邊境永安上命行在兵部會議行之乙亥給

金牌信符送老撾軍民宣尉使司頭目混倫等回還
先是雲南總兵官沐晟已遣人送混倫等回至其境
聞老撾土官卒國人與八百國仇殺晟請給信符護
送行在禮部尚書胡浹等因言雲南卑里等衛門信
符今改元已行造換請俱付來使齎往就督其未輸
常貢方物仍取先朝原賜信符從之丙子革應
天府溧水縣廣通鎮稅課局以其歲課併歸溧水縣
稅課局命長蘆都轉運鹽使司以所獲私鹽給商
從行在戶部左侍郎王佐請也行在工部奏天下

歲造軍士衣鞋運納東西廣備庫通者點視所貯短
窄紕薄不堪用者十三四萬其興守官吏人等宜究
問以戒將來上以罪在赦前姑宥之但令各備以
償官自今令御史同部屬監收以革其弊仍令司禮
監及戶部都察院委官檢視具數核貯甲字等庫改
廣備庫為倉廩丁丑教寧夏總兵官都督同知史
昭等曰得奏徐童受自虜中脫歸言阿台朵兒只伯
事情甚悉朕慮此賊既遁寧夏必乘間來侵御其屬
兵儲器委方籌畫期滅此賊仍教諸將戒嚴守備為

來春出師之計。下行在兵部尚書王驥右侍郎鄺
瑩于獄。先是。上以西北邊情緊急。諸將未即奏功。
命驥等會官計議。以聞。越五日。猶未回奏。是日早朝。
奏事畢。上召驥等至前。面責之曰。邊情緊急如此。
爾等何故遲延不議。欺朕年幼。遂命執驥等下獄。
公侯伯五府六部太師英國公張輔等上備邊議。
謂甘肅延綏大同宣府各邊俱有鎮守總兵等官。師
旅不為不彘烽燧不為不備。然而殘虜得為寇者。以
守將提督之不嚴。爾欲更命將出師。則賊寇出沒不

常。初無巢穴可恃。為今之計。宜令各處鎮守等官。盡
心措置。毋踵前為過。賊勦除不限分守。仍令都督蔣
貴趙安各率精騎。時于賊人出沒地方。巡哨遇賊。追
殺毋縱入境。官軍有功。計勞受賞。畏縮失机。量情行
辟。其延綏地方曠遠。都指揮王永所領兵。乞將山
西在京操備官軍內。摘二千人。舉智勇都指揮一員。
管領前去。同永守備。其在京舊選官軍四萬。令成國
公朱勇訓練。以備有警。上是其議。即命司所行之。
山東青州府樂安益都二縣直隸廣平府成安縣

各奏今春以民飢發官廩賑濟期以秋成抵斗償官
然今秋又歉民甚艱窘請移來秋為便事下行在戶
部覆奏從之命山東靖海成山威海百尺寧津濰
山六衛所軍餘俱寄藉文登縣佃耕民田從知縣祝
協請也戊寅四川播州宣尉使楊昇遣長官楊勝
宗等并哈剌孩等衛女直指揮吉列兒等嘔罕河衛
女直指揮脫因托兀者前等衛女直指揮阿剌禿等
各來朝貢鷹馬及方物賜宴并賜綵幣等物有差
命山東濟南府濱州知州梁昭復任昭在濱州鋤擊

姦豪撫恤窮民以母喪去任州民間昭服闋相率赴
京奏保故復之宣府總兵官都督譚廣劾奏都指
揮僉事楊洪先因瓦房嵯功冒給總甲陶俊等陞賞
請治其欺玩之罪上知洪為下人所欺姑記其罪
冒功受賞者即令追奪之俾長巡哨以警後來已
卯勅都督蔣貴寧夏總兵官都督同知史昭大同總
兵官都督同知方政等曰即今冬寒草枯馬瘠正殘
虜授首之時機不可失爾貴其率兵出境巡哨為貴等聲援
與貴會合出兵爾政其率兵出境巡哨為貴等聲援

爾等先議出師之期道里所由并勦賊方畧密疏以
聞境外机宜惟卿等所便朕不遙制教緣邊總兵
等官曰近太師英國公張輔等言殘虜捨惡皆汝等
急忽所致然事既往矣不復追咎自今以後務竭心
力以安邊境毋踵前非毋貽後患命故奇吉河衛
指揮僉事准里丁奇子亦忒奇弗朵克河衛指揮僉
事火克里子省奇海漢子女冲俱罷職教諭朵顏
衛指揮哈剌哈孫朵羅千并頭目伯台各賜織金綵
幣表裏俱命表使伯顏帖木兒賚與之並行在都察

院右都御史陳智等劾奏太師英國公張輔等奉命
議安攘之策稽延數日尚未回奏及上召王驥責
問逮繫之輔等亦不出班叩頭伏罪給事中御史職
當言路却乃畏避不舉請俱下法司究治上是其
言宥輔等罪不問御史給事中各杖二十仍任俸三
月行在禮部奏四川石柱宣撫司把事譚添旺進
冬至

聖節表文逾期始至請治其罪 上宥之 庚辰命行
在錦衣衛指揮使徐恭掌衛事 調都指揮僉事王

信于陝西都司備禦綏德延安鎮守甘肅太監王
貴奏鞏昌等衛選操軍士數多廬甲不給上命于
兵仗局支二千副遣內臣運以給用巡按山東監
察御史孫純劾奏都轉運鹽使司同知封貴副使李
彥穎惟務貪黷乞正其罪上命法司執治之辛
巳福餘等衛指揮阿兒歹等益實等衛女直指揮色
克等撞石衛女直土剌納兀的河等衛女直指揮牙
失谷等兀剌忽衛女直頭目歡出火等四川馬湖府
沐川長官司土民羅福祖等各來朝貢馬及方物賜

宴并賜綵幣等物有差增給遼東操備軍士布花
先是內地軍士歲給冬布二疋鈿三錠緜花一斤八
兩遼東軍士給布四疋花如內地例至是內地軍士
有赴遼東操備者以艱苦自陳事下行在戶部覆奏
上命歲給布四疋花三斤立陝西靖虜衛革迭烈孫
巡檢司壬午立春順天府官進春
上御正朝受之文武群臣行慶賀禮賜宴曉刻月犯
亢宿南第一星月在上癸未敕甘肅左副總兵都
督任禮選調騎兵一千步兵二千隸都督蔣貴統領

勦賊 教鎮守陝西都督同知鄭銘等曰得奏欲將
軍餘及民間選取精壯能武藝者操習待用已從卿
言但當順人之情不可強其所不欲也卿尚體予至
懷 教諭塔山衛野人頭目阿荅刺并賜織金紵絲
綵絹俱命未使指揮同知賽罕賚與之行在兵部
奏大營園子手缺官提督都督僉事陳教宣德間嘗
統領乞仍委教從之 行在禮部尚書胡濙奏遼東
野人女直進貢玼珠至京每人賞絲緞一表裏絹五
匹玼珠每二顆賞絹二匹此朝廷柔遠人之盛意也

近者徃 將鮮殼磨成并黃暗黑色細碎不堪玼珠
絡繹進送赴京惟務希求賞賜宜移文遼東總兵鎮
守并都司官今後從公辨驗毋得一槩進送未京度
省軍民沿途轉送之勞從之 番達回 伯都等男
婦二十六口來歸給賜衣物安置居住 旌表孝子
王約節婦周氏等十人約山西蒲州猗氏縣民母牛
氏病風二十餘年侍養不離左右母歿廬墓寢苫枕
塊身自負土詔旌其門曰孝行周氏德州衛後千戶
所舍人王敏妻丁氏遼東全州衛前千戶所總旗蕭

仕清妾俱以夫亡自縊詔旌其門曰貞烈覃氏廣西
融縣民甘長壽妻劉氏山東文登縣民宮課兒妻丁
氏山東歷城縣民盧海僧妻徐氏直隸像真衛右千
戶所軍殷成妻劉氏錦衣衛小旗祝泉妻江氏直隸
懷寧縣民陳通妻魯氏直隸當塗縣民王禮二妻俱
以早寡甘貧守志孝養舅姑善教孤子各旌其門曰
節婦 甲申命故山東都指揮僉事孟慶子忠遠東
都指揮僉事康敬弟玉雲南都指揮僉事張雄子綱
俱襲為指揮使葛聚子瑛襲為指揮僉事騰驤左衛

指揮使徐貴弟榮府軍衛指揮僉事張俊子瑛俱襲
職 甘肅左副總兵都督任禮等奏臣等擬于來春
合兵勦賊緣賊人渠穴無常莫知所止訪得為事都
督劉廣久磨邊事習知虜情乞暫釋之用為嚮道
上以廣縱賊出入罪當誅夷不可釋甘肅官軍豈無如
廣者令禮等別委用之 駙馬都尉焦敬令其司副
李昉于文明門五里建廣鯨店集市并無賴假牙行
名詐稅商販者錢積數十千又于武清縣馬駒橋渡
截磁器魚菜數車留店不遣又令閩者馬進于張家

灣溧陽開河諸通商販處詐收米八九十石鈔以千計事覺下刑部梟等俱引伏尚書魏源上其罪請執敬治之上曰姑赦梟等徵其贓人杖八十釋之

乙酉遣中官祭司生之神命故督罕河衛女直指揮僉事哈答你都襲職陞福餘衛指揮僉事把禿不花為指揮同知命河南罪囚于陝西蘭縣納米贖罪死罪二十石三流并徒三年十八石餘四等逆減二石先是鎮守湖廣貴州總兵官都督同知蕭授等奏廣西蒙顧等十六洞寨賊首蒙再萬糾結湖

廣武岡靖州逃民胡進拳揚保行等聚眾行劫敵傷官軍上敕授合廣西湖廣官軍討之授親率分道並進擣其巢穴生擒保行斬首三百餘級已而再萬等率眾迎敵官軍又破之再萬進拳等俱死賊眾遂潰至綏寧復聚據劉冲藍溪大山拒敵官軍又進擊之擒斬五百九十六人俘其男婦牛畜八百有奇餘賊餒乏自相吞噬死者無筭授械保行等七十五人于獄至是以聞上敕授會官審實梟首以徇陝西布政司奏西安府壩橋傾圮其河汙塞水溢南河

為居民患少者病焉請濬河築堤脩橋以便民從之
丙戌北京同鑰庫左副使龔政奏廣惠庫檢欵人
夫該順天府及大興宛平二縣委見任官率領應役
近以辦事官代之心不服姦弊日滋請仍令府縣
官率領為便從之廣東高州府知府富敬奏廣東
去京師萬里其布政司所屬雜職衙門官員三年六
年考滿赴部艱于往復事下行在吏部覆奏擬照廣
西雲南例驛丞遞運所大使三年六年考滿許赴本
布政司至九年考滿赴部其餘河泊所稅課司等衙

門仍舊從之
夜月生背氣隨生白虹貫兩珥色各
蒼白
丁亥革直隸永平府撫寧縣免耳山巡檢司
太子太保成國公朱勇奏夷狄桀黠從古為然近
聞瓦剌脫歡與朵兒只伯互相仇殺勢不俱立臣恐
其併吞之餘勢益強大乞敕各邊廣其儲積以備不
虞
上嘉納之
戊子陞行在刑部郎中嚴貞戶部
郎中張恕員外郎丁鑑監察御史韓偉都給事中卜
禎俱為都轉運益使司運使貞兩淮恕福建鑑兩浙
偉河東陝西禎河間長蘆
敕諭福餘衛指揮及都

并賜緞金紵緣下絹命來使指揮阿兒改賚與之
已丑陝西整飭兵備右僉都御史曹翼奏緣邊夜不
收出境探賊晝伏夜行勞苦特甚請自今官給衣糧
勦賊之後視奇功陞賞度幾人樂為用中上從之
庚寅歲暮享太廟以明日正旦遣官祭長陵獻陵景陵
遣太常寺官祭五祀之神遣旗手衛官祭旗纛之
神陝西整飭兵備右僉都御史曹翼奏瓦剌前有
兩起使臣在我中國年久未回今年又連差使臣來

臣料此意無他一則探看前使在此有無及作何看
待一則窺我邊境整擗軍馬嚴急何如况彼使臣久
留不回怨脫歡心生疑貳別起叢端今問得新來使
臣說哈密一路已通以臣愚見莫若將彼前後使臣
一發回本國以安彼心事下行在禮部覆奏從之
行在吏部主事李賢言臣聞帝王之道在赤子黎
民而禽獸夷狄夫黎民而赤子親之也夷狄而禽獸
疏之也雖聖人一視同仁其施也必自親以及疏未
有赤子不得其所而先施惠于禽獸况奪赤子之食

以養禽獸聖人忍為之哉切見京師達人不下萬餘較之畿民三分之一其月支俸米較之在朝官員亦三分之一而實支之數或全或半又陪從矣且以米俸言之在京指揮使正三品該俸三十五石實支一石而達官則實支十七石五斗是贍京官十七員半矣傳曰朝無幸位則食者寡矣此又非幸位之比也夫以有限之糧而資無限之費歎百姓富庶而食廩充實未之有也邇者連年荒旱五穀不登而國家之用則不可缺是以天下米粟水陸並進歲入京師數

百萬石而軍民竭財殫力涉寒暑冒風霜若不勝言然後一夫得數斛米至京師者幸也若其運至中途食不足衣不贍而有司曾莫之恤督責之愈急是以不暇救死往之枕藉而亡者不可勝計其達官坐享俸祿施之自得嗚呼既奪赤子之食以養禽獸而又驅其力使餽之赤子卒至于飢困以死而禽獸則充實厭足仁人君子所宜痛心者若夫俸祿所以養庶也今在朝官員皆實閔俸米一石以一身計之其日用之費不迨十日况其父兄妻子乎臣以為歎其無

貪不可得也備邊所以禦侮也今邊軍長居苦寒之地其所以保妻子禦飢寒者月糧而已糧不足以贍其所需欲其守死不可得也今若去此達官臣愚以為除一害而得三利焉何則計達官一歲之俸不下數十萬省之可以全生民之命可以贍邊軍之給可以足京官之俸全生民之命則本固而邦寧也贍邊軍之給則效死而守職也足京官之俸則知恥而守廉也得此三者利莫大焉臣又聞聖王之道貴乎消患于未萌易曰履霜堅冰至書曰惟幾惟康不可以

不察也臣切見達人未降絡繹不絕朝廷授以官職足其俸祿使之久處不去腥膻畿內無益之費尚不足惜又有甚者焉夫夷狄人面獸心貪而好利乍臣乍叛荒忽不常彼未降者非心悅而誠服也實慕中國之利也且達人在胡未必不自種而食自致而衣今在中國則不勞其力而坐享其有是故其來之不絕者中國誘之也誘之不衰則來之愈廣一旦邊備有警其勢必不自安矣前世五胡之亂可不鑒哉是故聖人以禽獸畜之其未也懲而禦之不使之久處

其去也守而備之不誘其復來而為社稷生民之慮
至深遠也近日邊塵數驚而達官群聚京師臣常恐
懼而不安寢伏願陛下斷自宸衷為萬世長久之
計乞敕兵部將達官漸次調除天下各都司衛所彼
勢既分必能各安其生不惟省國家萬金無益之費
而又消其未萌之患矣上是其言命該部議行之
一 是歲天下戶口戶九百七十一萬三千四百七口
五千二百三十二萬三千九百九十八田地四百三
十七萬三千一百八十七頃六畝田賦米麥二千六

六百七十一萬三千五百七十七石七斗絹一十九萬七百
四匹絲五萬五千二百九十三斤綿一十八萬六千
一百八斤布一十四萬三千八百九十八疋絛花一
十八萬八千二十九斤折色鈔七萬六千八百八十
五錠有奇雜課鈔九百五十三萬八千二百九十九
錠有奇米麥五萬九千七百五十五石鉄七萬四千
五百八十三斤有奇布一千八十三匹藍課藍三百
四萬二千八十四引折色鈔二千二百五十四萬五
千三百四十八錠有奇米四十九萬九千二百九十

七石布七百八十六疋茶課茶十五萬三千七百
五十一斤折色鈔一十八萬九千四百七十四貫屯
田子粒二百七十七萬二千六百二十七石有奇採
納銀五千五百五十兩水銀九百四十四斤珠砂一
百六十二斤石綠二百五十五斤雄黃三十斤漕運
京師備運過糧四百五十萬石各處運納糧百四萬
三千六百八十五石減免天下官田等項稅糧計米
麥四十三萬九百八十二石有奇

大明英宗睿皇帝實錄卷之二十五

十八萬六千

五